


卷三百三十二之三十三十四
四齋

伊和
1046
93





74
1046
93

文獻通考卷之三百三十二

鄱陽 馬 端臨 支那 貴與 著

四裔考

真臘

真臘國在林邑西南本扶南之屬國也去日南郡舟行六十日而
至南接卓渠國西有朱江國其王姓利氏名質多斯那自其祖漸
巴強盛至質多斯那遂燕扶南而有之死子伊奢那先代立君伊
奢那城郭下二萬餘家城中有一大堂是其王聽政所總三十所
城有數千家各有部師官名與林邑同其王三日一聽朝坐五香
七寶床上施寶帳以文木為竿象牙金鈿為壁狀如小臺懸金光
焰有同于赤土前有金香鼎命二人侍側王著朝霞古貝曠絡腰
腹下垂至脛頭戴金寶花冠被真珠纓絡足履革屐耳懸金瑠常

真臘

利
289
93

文獻通考

卷之三百三十二

四裔考

服白疊以象牙為齋若露髮則不加纓絡臣下服制大抵相類有
五大臣一曰孤落友二曰相高憑三曰婆何多陵四曰舍摩陵五
曰髯羅婁及諸小臣朝於王者輒於階下三稽首王呼上階則跪
以兩手抱膊遠王環坐議政事訖跪伏而去階庭門閣侍衛有千
餘人被甲持仗其國與參半朱江二國和親數與林邑阇桓二國
戰爭其人行止皆持甲仗若有征伐因而用之其俗非王正妻子
不得為嗣王初立日所有兄弟並刑殘之或去一指或剝其鼻別
處供給不得仕進人形小而色黑婦人亦有白者悉拳髮垂耳性
氣捷勁居處器物頗類赤土以右手為淨左手為穢每旦澡洗以
楊枝淨齒讀誦經呪又嚼酒乃食食罷還用楊枝淨齒又讀經呪
飲食多酥酪沙糖抗粟米餅欲食之時先取雜肉羹與餅相和手
搗而食娶妻者唯送女人女擇日遣媒人送婦男女二家各八日

不出晝夜燃燈不息男婚禮畢即與其父母分財別居父母死小
兒未婚者以餘財與之若婚畢財物入官喪葬兒女皆七日不食
剔髮而喪僧尼道士親故皆來聚會音樂送之以五香木燒香收
灰以金銀瓶盛送大水之內貧者或用瓦而以五綵色畫之亦有
不焚送苑山中任野獸食者其國北多山阜南有水澤地氣尤熱
無霜雪饒瘴癘毒蟲宜梁稻少黍粟果菜與日南九真相類異者
有婆羅那娑樹無花葉似柿實似冬瓜菴羅花葉似棗實似李毗
野樹花似木瓜葉似杏實似楮婆田羅樹花葉實並似棗而小異
歌卑陀樹花似林檎葉似榆而厚大實似李其大如升自餘多同
九真海有魚名建同四足無鱗鼻如象吸水噴高五六十尺有
浮胡魚形似鰓嘴如鸚鵡有八足多大魚半身出望之如山每五
六月中毒氣流行即以白猪白羊於城西門外祠之不然五穀不

登畜多死人疾病近都有陵伽鉢婆山上有神祠每以兵二千人守衛之城東神名婆多利祭用人肉其五年別殺人以夜祠禱亦有守衛者千人其敬鬼神如此多奉佛法尤信道士佛及道士壇立像於其館隋大業十二年遣使貢獻帝禮之甚厚於後亦絕唐武德至聖曆凡四來朝神龍後分為二半北多山牟號陸真蠟半南滌海饒陂澤號水真蠟半水真蠟地八百里王居婆羅提拔城陸真蠟或曰文單曰婆鑊地七百里王號苴屈開元天寶時王子率其屬二十六來朝拜果毅都尉大胥中副王婆彌及妻來朝獻馴象十一擢婆彌試殿中監賜名賓漢是時德宗初即位珍禽奇獸悉縱之蠻夷所獻馴象畜苑中元會充廷者凡三十二悉放荆山之陽及元和中水真蠟亦遣使入貢文單西北屬國曰參半武德八年使者來道明者亦屬國無衣服是衣服者共笑之無鹽鐵

以竹弩射鳥獸自給宋政和六年十二月遣進奉使奉化郎將德摩僧哥副使安化郎將摩君明擒唵等十四人來賜以朝服僧哥言萬里遠蕃仰投聖化尚拘升服未稱嚮慕之誠願許服所賜詔聽之仍以其事付史館書於策明年三月辭去宣和二年又遣使來朝廷封其王與占城等其年授占城王檢校司空兼御史大夫使封占城國王其地接占城之南東至海西至蒲甘南至加羅希其後又加封邑其縣鎮風俗與占城無異地方七千餘里有銅墓上列銅塔二十有四鎮以八銅象各重四千斤戰象幾二十萬馬多而小建炎三年以郊恩制授其王金哀賓深檢校司徒加食邑後以為常紹興元年廣南市舶司言其國附到蕃信與知州提舉詔勿受如可備官用即佑直償之仍以省物回賜十七年宰臣奏其國王降制加恩事上曰日後郊祀外國加惠可令先次檢舉庶知本朝懷遠之

意其國舊與占城鄰好歲貢金若干兩淳熙四年五月望日占城主以舟師襲其國都誓必報怨慶元己未大舉入占城更立真蠟人為王占城今亦為真臘屬國矣真里富真臘屬國也其國在西南隅東南接波斯蘭西南與登流眉為鄰所管聚落六十餘處慶元六年慶元府言其國王立二十年遣使齎表貢瑞象二及方物詔優答之仍諭本國海道遠涉今後免行入貢

羅刹

羅刹國在婆利之東其人極陋朱髮黑身獸牙鷹爪時與林邑人作市輒以夜晝日則掩其面隋煬帝大業三年遣使常駿等使赤土至羅刹

招和

投和國隋時聞焉在南海大洲中真臘之南自廣州西南水行百

日至其國王姓投和羅名脯邪乞遙理數城覆屋以瓦並為閣而君屋壁皆以彩畫之城內皆王宮室城外人居可萬餘家王宿衛之士百餘人每臨朝則衣朝霞冠金冠耳挂金環頸挂金涎衣連足履寶裝皮履官屬有朝請將軍總知國政又有參軍功曹主簿城局金威將軍贊府等官分理文武又有州及郡縣州有參軍郡有金威將軍縣有城局其為長官初至各選官僚助理政事刑法盜賊多者死輕者穿耳及鼻并鑽鬢私鑄銀錢者截腕國無賦稅俱隨意貢奉無多少之限多以農商為業國人乘象及馬一國之中馬不過千疋又無鞍轡唯以繩穿頰為節制音樂則吹蠡擊鼓死喪則祠祀哭泣又焚屍以鬻盛之沉於水中若父母之喪則截髮為孝其國市六所貿易皆用銀錢小如榆莢有佛道有學校文字與中夏不同訊其耆老云王無姓名齊秋摩其屋以草覆之

王所坐塔圓以佛塔以金飾之門皆東開坐亦東向唐貞觀中遣使奉表以金函盛之又獻金盃苦盃金鎮寶帶犀象海物等數十品

閩婆

閩婆國在南海中其國東至海一月泛海半月至峴嶠國西至海四十五日南至海三日汎海五日至大食國北至海四日西北汎海十五日至渤泥國又十日至三佛齊國又七日至占羅國又七日至柴歷亭抵交趾達廣州其地平坦宜種植產稻麻粟豆無麥民輸十一之租煮海為鹽多魚鼈雞鴨山羊兼椎牛以食果實有木瓜椰子蕉子甘蔗芋出金銀犀牙笈沉檀香茴香胡椒檳榔砒黃紅花蘇木亦務蠶織有薄綃絲絞吉貝布剪銀葉為錢博易官以粟一斛二斗博金錢室宇壯麗飾以金碧中國賈人至者待以

賓館食豐潔地不產茶其酒出於椰子及蝦蟇丹樹之中蝦蟇丹樹華人未嘗見或以批榔檳榔釀成亦甚香美不設刑禁雜犯罪者隨輕重出黃金以贖惟寇盜者殺之其王椎髻戴金鈴衣錦袍躡華履坐方床官吏日謁三拜而退出入乘象或腰輿壯者五七百輩執兵以從國人見王皆坐俟其過乃起以王子三人為副王官有落佶連四人共治國事如中國宰相無月奉隨時量給土產諸物次有文吏三百餘員目為秀才掌文簿總計財貨又有卑官殆千員分主城池帑廩及軍卒其領兵者每半歲給金十兩勝兵三萬每半歲亦給金有差土俗婚娉無媒妁但納黃金於女家以娶之五月游船十月游山有山馬可乘跨或乘軟兜樂有橫笛鼓板亦能舞土人被髮其衣裝纏習以下至於膝疾病不服藥但禱神求佛其俗有名而無姓方言謂真珠為沒爹蝦囉謂牙為家囉

謂香為崑噉盧麻諸羣為低密宋元嘉十二年國王師黎婆達阿
陀羅跋摩遣使奉表曰宋國大主人大吉天子足下教化一切種
智安隱大人師降伏四魔成等正覺轉尊法輪度脫眾生我雖在
遠亦露靈潤其後遂絕宋太宗淳化三年十二月其王穆羅茶遣
使陀湛副使蒲亞理判官李陀那假澄等來朝貢陀湛云中國有
真主本國乃修朝貢之禮國王貢象牙真珠繡花銷金及繡絲絞
雜色絲絞吉具織雜色絞布檀香玳瑁瑣盤犀裝劍藤織花簞先
白鸚鵡七寶飾檀香亭子其使別貢玳瑁龍腦丁香藤織花簞先
是朝貢使汎舶船六十日至明州定海縣掌市舶監察御史張肅
先釋奉其使飾服之狀與嘗來人波斯相類譯者言云金主舶大
商毛旭者建溪人數性來本國因假其鄉導來朝貢又言其國王
一號曰夏至馬囉夜王妃日落有娑婆利本國亦署置僚屬又其

方言目舶王為勣荷王妻曰勣荷比尼贖其船中婦人名眉珠雅
髻無首飾以蠻布纏身顏色青黑言語不能曉拜亦如男子膜拜
一子項戴金連鐐子手有金鈎以帛帶繫之各阿魯其國與三佛
齊有雖怨互相攻戰本國山多猴不畏人呼以霄霄之聲即出或
投以果實則有大猴二先至土人謂之猴王猴夫人食畢群猴食
其餘使既至上令有司優待之使還賜金幣甚厚仍賜良馬戎
具以從其請其使云隣國名婆羅門有法善察人情人欲相危害
者皆先知之又有摩逸國太平興國七年戴寶貨至廣州海峯大
觀三年闍婆復遣使入貢詔禮之如交趾建炎三年制授懷遠軍
節度琳州管内觀察處制等使金紫光祿大夫檢校司空使持節
琳州諸軍事琳州刺史兼御史大夫上柱國闍婆國王食邑二十
四百戶食實封一千戶悉里地茶蘭固野可特授檢校司空加食

邑實封以南郊加息也自後每遇大禮必加食邑

阿羅陀

西南夷訶羅陀國宋元嘉七年遣使奉表曰伏承聖主信重三寶興立塔寺周滿世界今故遣使二人表此微心

呵羅單

呵羅單國都聞婆洲宋元嘉七年遣使獻金剛指環及鷓鴣鳥天竺國白疊吉貝葉波國吉貝等物十年呵羅單國王毗沙跋摩奉表曰常勝天子陛下諸佛世尊常樂安隱三達六國為世間尊是名如來是故至誠五體敬禮其後為子篡奪十三年又上表二十六年文帝詔曰呵羅單婆皇婆達三國頻越遐海教化納貢遠誠宜甄可並加除授乃遣使策命之二十九年又遣長史婆和沙彌獻方物

婆皇

婆皇國宋元嘉二十六年國王舍利婆羅跋摩遣使獻方物四十一種文帝策命之為婆皇國二十八年孝武孝建三年俱遣使入貢方物以其使為振威將軍大明三年獻赤白鸚鵡八年明帝泰始二年俱入貢官其使

婆達

婆達國宋元嘉二十六年國王舍利不陵伽跋摩遣使貢方物文帝策命之為婆達國王二十六年二十八年復遣使獻方物

丹丹

丹丹在多羅磨羅國西北振州東南振州唐延德郡未厓同在島山王姓刹利名尸陵伽治所可二萬餘家亦置州縣以相統領王每晨夕二時臨朝其大臣八人號曰八坐並以婆羅門為之王每以香粉塗面身

冠通天冠柱雜寶瓔珞身衣朝霞足履皮履近則乘輿遠則馭象其攻伐則吹蠡擊鼓兼有幡旗其刑治盜賊無多少皆殺之土出金銀白檀蘇方木檳榔其穀唯稻畜有沙牛殺羊猪雞鶩鴨鷹鳥有越鳥孔雀果苾有蒲桃石榴瓜瓠菱蓮菜有葱蘇蔓菁梁中大通二年其王遣使奉表送象牙及畫塔二驅并獻火齊珠吉貝雜香藥大同元年復遣使獻金銀琉璃雜寶香藥等物唐總章時又獻方物

邊斗

邊斗國班一云都昆國都一云。拘利國九一云。比蒿國並隋時聞焉扶南度金隣大灣南行三千里有此四國其農作與金隣同其人多白色都昆出好棧香藿香及流黃其藿香樹生千歲根本其大伐之四五年木皆朽敗唯中節堅固芬香獨存取以為香

杜薄

杜薄國隋時聞焉在扶南東漲海中直渡海數十日而至其國人貌白皙皆有衣服國有稻田女子作白疊華布出金銀鐵以金為錢出雞舌香可以含以香不入衣服鷄舌其為木也氣辛而性厲禽獸不能至故未有識其樹者華熟自零隨水而出方得之杜薄洲有十餘國城皆稱王

薄利

薄利國隋時聞焉在拘利南海灣中其人色黑而齒白眼王赤男女並無衣服

敦焚

敦焚洲抱朴子云敦焚洲在南海中薰綠水膠所出膠如楓脂矣所以不可多得者止患狃狃上音詰下音賦獸啖人此獸大者重十斤狀

如水獺其頭身及佗處了無毛唯從鼻上以竟脊至尾上有毛廣一寸許青毛長三四分許其無毛處則如韋囊入張捕得之斬刺不傷積薪烈火縛以投火中薪盡而此獸不焦須以大杖打之皮不傷而骨碎都盡乃死耳

大山

火山國隋時聞焉去諸薄東五千里國中山皆有火雖雨不息火中有白鼠扶南土俗傳云火洲在馬五洲之東可千餘里春月霖雨雨止則火然洲上林木得雨則皮黑得火則皮白諸左右洲人以春月取其木皮績以為布或作燈炷布若小穢投之火中使潔又有加營國北諸薄國西山周三百里從四月火生正月火滅火然則草木葉落如中國寒時人以三月至此山取木皮績為火浣布

無論

無論國隋時聞焉在扶南西二千餘里其國大道左右夾種枇杷樹及諸華果行其下常有玄陰十里一亭亭皆有井食麥飯飲蒲桃酒如膠若飲即以水和之味甚甘美

婆登

婆登國在林邑南海行二月東與訶陵西與迷黎車接北隣大海風俗與訶陵同種稻每月一熟有文字書於貝多葉其死者口實以金又以金釧貫於四支然後加以婆律膏及檀沉龍腦等香積薪以燔之唐貞觀二十一年遣使朝貢

烏篤

烏篤國在中天竺南一名烏伏邦地方五千餘里百姓殷實人性悞弱頗詭詐尤上禁術篤信佛法文字禮儀畧同天竺自古不通

中國唐貞觀中其王達摩因陀訶斯遣使獻龍腦香

訶陵

訶陵亦曰杜婆曰闍婆在南海中東距婆利西墮婆登南瀕海北真臘木為城雖大屋亦覆併間象牙為床若席出瑇瑁黃白金犀象國最富有穴自湧鹽以椰花椰子為酒飲之輒醉宿昔壞有文字知星曆食無七勤有毒女與接輒苦瘡人死尸不腐王居闍婆城其祖吉延東遷於婆露伽斯城旁小國二十八莫不臣服其官有三十三大夫而大坐敢尼為最責山上有郎卑野川王常登以望海夏至立八尺表景在表南二尺四寸唐貞觀中與墮和羅墮婆登皆遣使者入貢太宗以璽詔優答墮和羅丐良馬帝與之至上元間國人推女子為王號悉莫威令整肅道不舉遺大食君聞之齎金一囊置其郊行者輒避如是三年太子過以足躡金悉莫

怒將斬之群臣固請悉莫曰而罪實本於足可斷趾群臣復為請

乃斬指以徇大食聞而畏之不敢加兵大曆中訶陵使者三至元

和八年獻僧祇奴四五色鸚鵡頰伽烏等憲宗拜內四門府左果

毅使者讓其弟帝嘉美並官之訖太和再朝貢咸通中遣使獻女

樂墮和羅亦曰獨和羅南距盤盤北迦邏舍弗西屬海東真臘自廣州行五月

乃至國多美羣世謂墮和羅年有二屬國曰曇陵陀洹曇陵在海

洲中陀洹一曰耨陀洹在環王西南海中與墮和羅接自交州行

九十日乃至王姓察失利各婆那字婆未無蠶桑有稻麥麻豆蕎

有白豕牛羊猪俗喜樓居謂為干欄以白氎朝霞布為衣親喪在

室不食燔尸已則剔髮浴于池然後食貞觀時並遣使者再入朝

又獻婆律膏白鸚鵡首有干紅毛齊于翅因丐馬銅鐘帝與之墮

婆登在環王南行二月乃至東訶陵西迷黎車北屬海俗與訶陵

同種稻月一熟有文字以貝多葉寫之死者實金子口以釧貫其體加麥律膏龍腦衆香積薪燔之

多慈

多慈國其人短小兄弟共娶一妻婦總髮為角辨夫之多少唐貞觀中通焉在南邊國界周迴可一月行南阻大海西俱遊國比波刺國東真陀桓國戶口極多置三十州不役屬他國有州郭宮殿樓櫓並用瓦木以十二月為歲其物產有金銀銅鐵象牙犀角朝霞朝雲其俗交易用金銀朝霞等衣服百姓二十而稅一五穀菜蔬與中國不殊

多摩長

多摩長國居於海島東與婆鳳西與多隆南與半支跋華言五山也北與訶陵等國接其國界東西可一月行南北可二十五日行

其王之先龍子也名骨利骨利得大鳥卵剖之得一女子容色殊妙即以為妻其王尸羅劬傭伊說即其後也唐顯慶中遣使貢獻其俗無姓王居以柵為城以板為屋坐師子坐東面坐衣物與林邑同勝兵一萬餘人無馬有弓刀甲稍婚姻無同姓之別其食器有銅鐵金銀所食尚蘇乳酪沙糖石蜜其家畜有殺羊水牛野獸有靈鹿等死亡無喪服之制以火焚其屍其音樂略同天竺有波那婆宅護遮菴磨石榴等果多甘蔗從其國經薩盧都思訶盧君那盧林邑等國達於交州

哥羅舍分

哥羅舍分國在南海之南接墮和羅國勝兵二萬人其王蒲越伽摩唐顯慶五年遣使朝貢

占城

占城

占城國在中國之西南東至海西至雲南南至真臘國北至驩州
汎界海南去三佛齊五日程陸行至賓陀羅國一月程其國隸占
城焉東去麻逸國二日程浦端國七日程北去廣州便風半月程
東北至兩浙 月程西北至交州兩日程陸行半月程其地東西
七百里南北三千里南曰施備州西曰上源州北曰烏里州國無
城郭有百餘村村落戶三五百或至七百亦有縣鎮之名土地所
出篋沉香檳榔烏楠木蘇木白藤黃臘古貝花布絲絞布氎布藤
簞貝多兼簞金銀鐵錠等物五穀無麥有杭米粟豆麻子官給種
一斛計租百斛果實有蓮甘蔗蕉子椰子鳥獸多孔雀犀牛畜產
多黃牛水牛而無驢亦有山牛不任耕耨但殺以祭鬼將殺令巫
祝之曰阿羅和及扶譯之云早教他託生民獲犀象皆輪于王國
人多乘象或軟布兜或於交州市馬頗食山羊水兕之肉其衣俗
衣服與大食國相類無絲繭以白氈布纏其臂垂至於足衣衫窄
袖撮髮為髻散垂餘鬚於其後互市無緡錢止月金銀較量錙銖
或古貝錦疋博易之直樂器有胡琴笛鼓大鼓樂部亦列舞人其
王腦後髻髻散披古貝衣戴金花冠七寶裝纓絡為飾股脛皆露
躡革履無鞵婦人亦腦後撮髻無笄梳其服及拜揖與男子同王
每午坐禪荷官屬謁見膜拜一而止白事畢復膜拜一而退或出
游看象來獵觀漁皆數日方還近則乘軟布兜遠則乘象或乘一
木杠四人舁之先令一人持檳榔盤前導從者千餘輩各執弓箭
刀槍手牌等其民望之膜拜一而止日或一再出每歲稻熟王自
刈一把從者及群婦女競割之其王或以兄為副王或以弟為次
王設高官凡八員東西南北各二分治庶事無俸祿令其所管土
俗資給之別置文史五十餘員有郎中員外秀才之稱分掌資儲

寶化等事亦無資奉但給龜魚充食及免調役而已又有司帑廩者十二員主軍卒者二百餘員皆無月奉勝兵萬餘人月給秬米二斛冬夏衣布各三匹至五匹每夕唯王升床而臥諸臣皆寢于地尋親近之臣見王即胡跪而禮稍踈遠者但拱手而已其風俗正月一日牽象周行所居之地然後驅逐出郭謂之逐邪四月有遊船之戲定十一月十五日為冬至人皆相賀州縣以土產物帛獻其王每歲十二月十五日城外縛木為塔王及人民各以衣物香藥置於塔上焚之以祭天人有疾病旋采生藥服食地不產茶亦不知醞釀之法止飲椰子酒兼食檳榔刑禁亦設枷鎖小過以四人拽伏於地藤杖鞭之二人左右互補量其犯罪或五六十至一百當死者以繩繫於樹用梭槍舂喉而誅其首若故殺劫殺令衆踏之或以象卷撲于地象皆素習將刑人即令養養之人以數

諭之悉能曉焉犯姦者男女共入一牛以贖死負國王物者以繩拘於荒塘物充而後出之其國前代罕與中國通周顯德中其王釋利因德漫遣其臣蕭訶散貢方物有雲龍形通犀帶菩薩石又有薔薇水洒衣經歲香不散猛火油得水愈熾皆貯以瑠璃罇宋建隆二年其王釋利因陀盤遣使蕭訶散來表章書于貝多葉以香木函盛之貢犀牙龍腦香藥孔雀四大食瓶二十使回錫賚有差以器幣優賜其王三年乾德四年開寶三年五年六年七年九年太平興國二年三年四年俱遣使入貢六年交州黎桓上言欲以占城俘九十三人獻于京師太宗令廣州止其俘存撫之給衣服資糧遣還占城詔諭其王七年八年俱入貢雍熙二年遣使入貢且訴為交州所侵詔令保國陸鄰三年入貢儋州言占城人蒲羅遏為交州所逼率其族百口來附四年秋廣州上言雷息州

開送占城人夷斯當李娘并其族一百五十人來歸分隸南海清遠縣端拱元年廣州又言占城夷人忽宣等族三百一人來附淳化元年遣使貢方物且訴為交州所攻國中人民財寶皆為所掠上賜黎栢詔令各守境三年遣使貢方物至道元年其王遣使來朝貢奉表詞甚慕順且言臣本國元有流民三百散居南海曾蒙聖旨許令放還今有猶在廣州者本國舊有進奉夷人羅常占見駐廣州乞詔本州盡數點集令舶船乘便風部領歸國上覽表詔遣使廣州詢問願還者悉復使回復賜良馬二遂為常制成平二年景德元年俱入貢詔以良馬介冑戎器賜之四年遣使奉表來朝表函籍以文錦其使言本國舊隸文州後奔于佛逝北去舊所七百里使還賜物甚厚大中祥符三年來貢四年遣使貢獅子詔畜于苑中使者留二人蠻人以給蔡蔡上怜其懷土厚給資糧遣還八年天祐二年並遣入貢三年其使還詔賜國王銀四千七百兩并戎器鞍馬海上又有蒲端國三銀蘭國勿巡國蒲婆衆國太平祥符四年祀汾陰並遣使來貢蒲端國王上言伏見詔旨給賜占城使勒勤馬大神旗各各乞如恩例有司以蒲端在占城下請賜雜綵小旗五從之天聖八年入貢慶曆二年獻馴象皇祐二年貢方物表二通一以蕃書一以中國書五年嘉祐元年俱入貢六年獻馴象七年正月廣西經畧司言占臘素不習兵與交戰每常苦侵軼而占城復近修武備以抗交趾將繇廣東路入貢望撫以恩信五月入貢賜白馬二熙寧元年入貢乞市驃馬詔賜白馬一令於廣州置驛以歸五年貢方物七年交趾李乾德言其王領兵三千人并妻子來降且言其國自海道抵真臘一月程西北抵交州四十日皆山路所治聚落一百五大略如州縣後討交趾以其

素仇遣使詔以乘機協力蕩除使還言其國選兵七千扼賊要路其主以木葉蕃書回牒詔使上之然亦不能成功後兩國同入貢占城使者乞避交人詔遇朔日朝文德殿分東西立望日則交人入垂拱而占城趨紫宸大燕則東西坐元祐七年又表言如天朝討交趾願率兵掩襲朝廷以交趾數入貢不絕臣節難以興師若敕書報之而以其使良保故倫軋丹副使傍木知突為保順郎將政和中授其王楊卜麻疊金紫光祿大夫領兼白州刺史卜麻疊言身縻化外不露祿食願得薄受俸給壯觀小蕃許之宣和元年進檢校司空兼御史大夫懷遠軍節度使琳州管内觀察處置等使封占城國王自是每遇郊恩輒降制加封邑其州所統大小州三十八通不盈三萬家甃磚為城護以石塔其戎器以標鎗旁牌竹為弓無翎箭戰則五人為甲走則同甲皆星山多香木每歲官

監民入山斫香輪官謂之身丁香如中國身丁鹽稅之類納足聽民貿易商舶到其國則差蕃官摺黑皮為策書白字抄物數監盤上岸十取其二外聽交易建炎元年國王入貢遇郊恩制授檢校太傅加食邑後以為常紹興二十五年其子鄒時巴蘭嗣立貢方物求封爵詔授以其父官乾道三年其子鄒亞娜遣使入貢詔受其獻十分之一既而福建市舶司言大食國人烏師點等訴占城入貢而所奪本國物上以爭訟却之詔學士院答敕洪邁引崇寧故事乞用金花綾紙寓詔禮部郎中李燾上言當從紹興二十五年例用白藤紙况今進貢非實却而不受豈宜更優其禮上曰李燾之論有理即用近例邁以為侵官自是與燾有隙臣僚亦言鄒亞娜承襲若以禮入貢則當議封既大食爭訟難即降詔俟再貢如禮然後賜命乾道七年閩人有泛海官言陽軍者飄至占城見

其國與真臘乘象以戰無大勝負乃說王以騎戰教之弓弩騎射其王大悅具舟送之吉陽厚齎隨以買馬得數十匹以戰則克次年復來人徒其盛瓊州不受怒歸肆行劫掠淳熙二年詔帥臣張試草書付瓊管司諭以中國馬自來不許出外界令還所掠人口等自今不得生事知吉陽軍林寶慈令王二後指引占城國人買賣圖利令本司取勘具奏三年占城發回所掠人口見存八十三人又申乞與本蕃通商詔試行下瓊管司朝廷加惠外國各已有市舶司主管交易海南四郡即無通商條令仰遵依自來體例施行淳熙四年五月以舟師襲真臘請和不許殺之遂為大難慶元已未真臘大舉入占城俘其主戮其臣僕勒殺幾無噍類更立真臘人為主

三佛齊

三佛齊國蓋南蠻之別種與占城為鄰間於真臘閩婆之間所管十五州土產紅藤紫釧箋沉香檳榔子無緡鐵土俗以金銀貿易諸物四時之氣多熱少寒冬無霜雪人用香油塗身其地無麥有米及青白豆鷄魚鵝鴨頗類中土有椰花酒椰子酒檳榔酒皆非麴蘖所醞飲之亦醉樂有小琴小鼓崑崙奴踏曲為樂國中文字用蕃書以其王指環為印亦有中國文字上章表即用烏累甕為城周數十里用椰葉覆屋人民散居城外不輸租賦有所征伐隨時調發立酋長率領皆自備兵器糧糗汎海便風二十日至廣州如泉州舟行順風月餘亦可到國人多姓蒲習水陸戰臨敵敢死伯於諸國其國在海中扼諸番舟車往來之咽喉若商船過不入即出船合戰期以必死故諸國之舟輻湊焉唐天祐元年貢方物授其使都蕃長蒲訶粟寧遠將軍宋建隆元年九月其王悉利胡

大霞里檀遣使李遮帝來朝貢二年夏又遣使貢方物是冬又來
貢其國別號先留王李犀林男迷日來亦遣使同至貢方物三年
又遣使來貢回賜以白犂牛尾白瓷器縣器錦綵鞍轡二副開寶
四年遣使以水晶火油來貢五年又來貢七年又貢象牙乳香普
檳水萬年棗偏桃白沙糖水晶拍環琉璃瓶珊瑚樹八年又遣使
入貢賜以冠帶器幣太平興國五年入貢雍熙二年端拱二年俱
入貢淳化三年冬廣州言三佛齊朝貢使蒲押陀黎前年自京回
關本國為閣婆所侵住南海凡一年今春乘舶至占城風信不利
復還乞降詔諭本國從之咸平六年遣使來貢且言本國建佛寺
以祝聖壽願賜名及鐘上嘉其意詔以承天萬壽為寺額并鑄鐘
以賜來使俱授以官大中祥符元年其王遣使來貢詔許赴泰山
陪位于朝觀壇遣賜甚厚天禧元年遣使奉金字表貢珍珠象牙

焚夾經峴嶠奴使還賜禮物獎慰之天聖六年其王遣使入貢稱
制蕃國使之貢賜以間金塗銀帶時特以渾金帶賜之熙寧十年
使大首領地華伽囉來以為保順慕化大將軍賜詔寵之元豐中
使至者再率以白金真珠婆律薰陸香備方物廣州受表入言俟
報乃護至闕下天子念其道里遠每優賜遣歸二年賜錢六萬四
千緡銀萬五百兩官其來使乞買金帶白金器物及僧紫衣師牒
皆如所請給之五年廣州南蕃綱首以其主管國事國王之女唐
字書寄龍腦及布與提舉市舶孫迥迥不敢受言於朝詔令佶直
輸之官而市來帛以報元祐三來遣使入凡以金蓮花真珠龍腦
撤殿官其來使六年及紹聖中再入貢紹興七年有司議三佛齊
國王勅告綾紙並欲用黃色餘依所賜大食國例從之二十六年
復入貢乾道八年國王書乞將銅搭船雇人造瓦回蕃詔從之自

後不許淳熙五年來貢方物乞比占城進奉例回賜從之詔免到
闕令泉州管待章表迺奏其子稱乾道四年承襲乞依舊封爵詔
襲其文舊封仍賜襲衣金帶鞍馬幣帛有差

勃泥

勃泥國在京都之西南大海中去闍婆四十五日去三佛齊四十
日程去占城與摩逸各三十日程皆計順風為則其國以板為城
城中居者萬餘人所統十四州其王所居屋覆以貝多葉民舍覆
以草在王左右者為大人王坐繩床若出即大布單坐其上眾昇
之名曰阮囊戰鬪者則持刀被甲甲以銅鑄狀若大筒穿之於身
護其腹背其地無麥有麻稻又有羊皮雞魚無蠶絲用古貝花織
成布飲椰子酒婚媾之資先以椰子酒檳榔次之指環又次之然
後以古貝布或量山金銀成其禮喪葬亦有棺歛以竹為輦載棄

山中二月始耕則祀矣以十二月七日為歲節地熱多風雨國人
宴會鳴鼓吹笛擊鼓歌舞為樂無器皿以竹編貝多葉為器盛食
食訖棄之其國鄰於底門國有藥樹取其根煎為膏服之及塗其
體兵刃所傷皆不死前代未嘗朝貢故史籍不載宋太平興國二
年其王向打遣使齎表貢大片龍腦米龍腦蒼龍腦玳瑁檀香象
牙其表以數重小囊緘封之非中國紙類木皮薄瑩滑色微綠而
長數尺闊寸餘橫卷之僅可盈握其字小細橫讀之以華言譯之
云勃泥國王向打稽首拜皇帝萬歲萬歲願皇帝萬歲願皇帝萬歲今
遣使進貢向打聞朝廷無路得到昨有番人蒲蘆歌泊水口令人
迎到州言自中朝來比詣闍婆國遇猛風吹其船不得去此時聞
自中國來人皆大喜即造船船令蒲蘆歌導達入貢朝所遣使人
只願平善見皇帝每年令人入朝每年修首愿風吹至占城界望

皇帝詔占城令有向打船到不得留臣本國別無異物乞皇帝勿怪其表文如是詔館其使於禮賓院優賜以遣之元豐五年二月其王錫理麻喏復遣使貢方物其使乞從泉州乘海舶歸國從之

注輦

注輦國東距海五千里西至西天竺千五百里南至羅蘭二千五百里北至頓田三千里自古不通中國水行至廣州約四十一萬一千四百里其國有城七重高七尺南北十二里東西七里每城相去百步凡四城用磚二城用土最中城以木為之皆植花果雜木其第一至第三城皆民居環以小河第四城四侍郎居之第五城主之四子居之第六城為佛寺百僧居之第七城即主之所居墾四百區所統有三十一部落其西十二其南八其北十一今國主相傳三世矣民有罪即命侍郎一員處治之輕者繫於木格答

五七十至一百重者則斬或以象踐殺之其宴則國主與四侍郎膜拜于階遂共坐作樂歌舞不飲酒而食肉俗衣布亦有餅餌嘗饌執事有婦人其嫁娶先用金銀指環使媒婦至女家後三日會男家親族約以土田生畜檳榔酒等稱其有無為禮女家復以金銀指環越諾布及女所服錦衣遺婿若男欲離女則不取娉財女欲却男則倍償之其兵陣用象居前小牌次之檢槍次之長刀又次之弓矢在後四侍郎分領其衆國東南約二千五百里有悉蘭池國或相侵伐地產真珠象珊瑚玻璃檳榔豆蔻古貝布獸有山羊黃牛禽有山鷄鸚鵡果有餘甘藤蘿千年棗椰子甘羅峴梅婆羅蜜之類花有白末利散然蛇躡佛桑麗秋青黃碧婆羅瑤蓮蟬紫水蕉之類五穀綠黑豆麥稻地宜竹自昔未嘗朝貢宋大中祥符八年九月其國主羅茶羅不遣進奉使侍郎婆里三文副使

蒲加心判官翁勿防援官亞勒加等奉表來貢三文等以盤捧真
珠碧玻璃升殿布於御坐前降殿再拜譯者導其言曰願以表遠
人慕化之意其國主表曰臣羅茶羅爾言昨遇舸船商人到本
國告稱鉅宋之有天下也二帝開基聖人繼統登封大嶽禮祀汾
陰至德升聞上穹眷命臣昌期斯遇吉語幸聞輒傾就日之誠仰
露朝天之歎臣伏聞人君之御統也無遠不臻臣子之推誠也有
道則服伏惟皇帝陛下功超邃古遂建大中衣裳垂而保合乾坤
劍戟鑄而範圍區宇神武不殺人文化成廓明明之德以臨御下
民懷翼翼之心以昭事上帝至仁不傷於行葦大信愛及於淵魚
故得天鑒孔彰帝臨有赫顯今古未聞之事保邦家大定之基竊
念臣微類醯鷄賤如芻狗世居夷落地遠華風虛荷燭幽曾無執
贄今者竊聽謠頌普及遐陬限年屬於桑榆阻躬陳於玉帛矧滄

溟之曠絕在跋涉以稍難是敢傾倒赤心遙瞻舟闕任土作貢同
蟻蟻之慕羶委質事君比葵藿之向日謹遣專使等五十二人奉
土物朝貢凡真珠衫帽各一真珠二萬一千一百兩象牙六十株
乳香六十斤三文等又獻珠六千六百兩香藥三千三百斤初羅
茶羅爾既聞商舶言且曰十年來海無風濤古老傳云如此則中
國有聖人故遣三文等入貢三文離本國舟行七十七晝夜歷那
勿丹山婆里西蘭山至占賓國又行六十一晝夜歷依麻羅里山
至古羅國國有古羅山因名焉又行七十一晝夜歷加八山古不
牢山舟寶龍山至三佛齊國又行十八晝夜度蠻山水口歷天竺
山至賓頭狼山望東西王母塚距舟所將百里又行二十晝夜度
羊山九星山至廣州之瑟瑟洲離本國凡千一百五十日至廣州
為詔閣門祗候史祐之館伴凡宴賜恩例同龜茲使其年承天節

天文等請於啓聖禪院會僧以祝聖壽明年使廻降詔羅茶羅乍賜物甚厚天禧四年又遣使芭欄得麻烈咤奉方物入貢至廣州病死守臣以其表聞詔廣州宴犒從者厚賜以遣之明年二年其王遣使以泥金表進真珠衫帽及真珠一百五兩象牙百株其使自言數朝貢而海風破船不達願將上等珠就龍床脚撒殿頂戴瞻禮少申向慕之誠乃奉銀盤升殿跪散珠於御榻下而退景祐元年以其使蒲押陀離為金紫光祿大夫懷化將軍還本國熙寧十年復遣二十七人來獻晚豆珠麻珠瑠璃大洗盤生白梅花腦錦花犀牙乳香瓶香薷薇水金蓮花木香阿魏鵬砂丁香使副以真珠龍腦登殿跪而散之謂之撒殿既降詔遣御藥宣勞之以使為懷化將軍保順郎將各賜衣服器幣答賜其王錢八萬一千八百緡銀五萬二千兩

按注輦國水行至廣州約四十一萬一千四百里凡千一百五十日而至其去中國最遠又自古未嘗相通至大中祥符間始入貢然其表文叙述有理詞采可觀畧無島夷侏離鄙俚之談有類中土操觚文士之筆高麗交趾及所不逮竊疑史文容有緣飾非其實也

州眉流

州眉流國東至占臘五十程南至羅越水路十五程西至西天空三十五程北至程良六十程東北至羅斛二十五程南至關婆四十五程西南程若十五程西北至洛華二十五程東北至廣州三十五程其俗以板為屋跣足衣布無紳帶以白紵纏其首貿易以金銀其主所居廣袤五里無城郭出則乘象車亦如小駟地出犀象瑜石紫釧蘇木諸藥四時炎熱無霜雪未嘗至中國宋咸平四

年國主多須機遣使打古馬副使打臘判官割皮泥等九人來貢
木香千斤鋤鐵各百斤胡黃連三十五斤紫銼百斤紅氈一合花
布四段蘇木萬斤象牙六十一株召見崇德殿賜以冠帶服物及
選又賜多須機詔書以敦獎之

蒲茸

宋崇寧五年蒲茸遣使入貢詔禮秩視注輦尚書省言注輦役屬
三佛齊故熙寧中勅書以大背紙緘以匣襪今蒲茸乃大國蕃王
不可下視附庸小國欲如大食交趾諸國禮凡制詔並書以白背
金花綾紙貯以間金鍍匣銀管籥月錦育夾襪緘封以往從之

南毗

南毗國在西南自三佛齊便風月餘可到國多風三出先差官及
兵卒百餘人持水洒地以防颶風掃揚精飲食鼎以百計日一易
之有官名翰林供王飲食喜戰鬪善刀稍習弓箭鑿雜白銀為錢
鑄官印記民用以貿易土產珍珠諸色布其國最遠番舶罕到
有時羅巴智力于父子其種類也入居泉之城南自是船舶多至
其國矣

層檀

層檀國在南海傍城距海二千里宋熙寧四年始入貢海道便風
行百六十日經勿巡古林三佛齊國乃至廣州其王名亞美羅亞
眉蘭傳國五百年十世矣人語音如大食地春暖貴人以越布纏
頭服花錦白疊布出入乘象馬有俸祿其法輕罪杖重死穀有稻
粟麥食有魚畜有胡羊山羊沙牛水牛橐它馬犀象藥有木香血
竭沒藥鵬砂阿魏薰陸產珍珠玻璃密沙華三酒交易用錢官自
鑄三分其齊金銅相半而銀居一分禁民私鑄元豐六年使保順

郎將魯加尼再至神宗念其絕遠詔頒賚如故事仍加賜白金二千兩

文獻通考卷之三百三十二

文獻通考卷之三百三十三

鄱陽 馬 端臨 貴與 著

四裔考

西

杜氏通典邊防序略曰西羗出自三苗蓋姜姓也其國近衡山

今長沙衡陽零陵江華等郡也及舜徙之三危三危山在今嶺南漢金城之西南

羗地是也今金城會寧安西濱於賜支續漢書云河關西可千

支蓋析支也接漢河關縣屬金城郡則今安鄉郡也其賜支在

其西又按風俗通云羗者其先本規賤主牧羊故羗字從羊

至於河首綿地千里南接蜀漢徼外蠻夷西北鄙善車師諸國

所居無常依隨水草地少五穀產牧為業其俗氏族無定或以

父名母姓為種號妻後母納贅嫂音離如北狄之俗故國無隸

寡種繁熾廣志云羗與北狄同其人骨節饒妻妾多子姓一人

大華疆以為盛服一狗皮直數十四在古不立君臣無相長一疆則分種為酋豪

弱則為人附落更相批掠以力為雄殺人償死無他禁令其兵

長在山谷短於平地不能持久而果於觸突以戰死為吉利病

終為不祥甚耐寒苦同之禽獸昔夏啓之子太康失國四夷皆

叛及后相平乃征吠夷即犬戎也夷者七年然後來賓至于后

泄始加爵命由是服從世格八代孫后桀之亂吠夷八居邠岐

之間如新平郡成湯既興伐而攘之及殷室中衰諸戎皆叛

至于武丁征西戎鬼方克之武丁高宗易曰高宗伐鬼方也後

三年乃克故其詩曰自彼氐羌莫敢不來王言因高宗討伐然

後氏羗朝享按商頌曰彼彼殷武奮伐剛楚深入其阻哀荆之

刑楚居國南鄉昔有成湯自彼氐羌莫敢不來享莫敢不來王

言成湯之時遠夷西方氐羌之國皆來朝見故居中國之南方

乃背叛乎此責之辭非謂高宗時氐羌也特高宗亦伐荆楚

後漢章帝紀有司述明帝功德又云克伐鬼方開通西域則鬼

方斯乃臆斷諸家因謂之此狄誤矣及武乙暴虐犬戎寇邊

周古公踰梁山在今好時而避于岐下在今扶風及三季遂伐西

落鬼戎竹書紀年曰武乙三十五年自是之後更伐始呼醫徒之

戎皆克之竹書紀年曰武乙三十五年及武王伐商羗鬻率師

予鬻音會于牧野至穆王時戎狄不貢王乃西征犬戎獲其五王

遂遷戎于太原夷王衰弱及宣王立召秦莊公與兵伐破之其

後侵盜不已至幽王昏虐西戎寇周殺幽王於酈山酈山今京

周乃東遷洛邑及平王之末周遂陵遲戎逼諸夏自隴山以東

及乎伊洛往往有戎於是渭首有狄獯却箕之戎狄獯並今隴

音天水郡縣渭北有義渠之戎今安化洛川有大荔之戎今洛

音梅却音珪有蠻氏之戎今隴間在中國與諸夏盟會後晉滅驪戎今隴

文獻卷三十三

是時伊洛戎疆東侵曹魯襄王時秦晉自瓜州今鞏煌晉遷陸

渾之戎于伊川允姓之戎遷于渭汭允姓陸戎之祖與三苗俱

羽魯僖公之二十二年秦晉遷陸渾之戎於伊川本在秦晉西

北二國誘而徙之遂從戎號至今為陸渾縣焉水口曰汭今京

兆府北新平彭原之間一云汭東及鞏鞏今河南府在河南山

北者號曰陰戎洛河南北自今上秦穆公得戎人由余遂霸西

戎開地千里由余其洗晉及晉悼公又使魏絳和諸戎復修霸

業其後陰戎之種遂以滋廣與晉伐周左傳魯昭公九年晉大

頴周邑陰戎即陸渾戎也景王使詹桓伯責晉平公曰允姓之

姦君于瓜州伯父惠公歸自秦而誘以來使偪我諸姬入我郊

句戎有中國後陸渾戎叛晉荀吳滅之後楚執蠻氏而盡囚其

人至周貞王八年秦厲公滅大荔取其地趙亦滅北戎韓魏後

稍并伊洛陰戎滅之其遺脫者皆走西踰汧隴汧音自是中國

無戎寇唯餘義渠種焉是為疆盛屢為人患及昭王起兵滅之

始置隴西今天水隴西金城會寧地北地今安定彭原化平

上郡焉今上郡洛交鞏川新秦朔方中即延安咸寧等郡

有功天子爵之以為蕃服春秋時陸渾蠻氏戎稱子戰始皇兵

務東向故得繁息秦平天下蒙恬西逐諸羗出塞漢初尚微弱

景帝時研種求徒於狄道安故今金城武帝又西逐渡河湟初

開河西置四郡今武威張掖酒泉其後先零種圍枹罕今安鄉即

枹音漢兵擊平之始置護羗校尉至宣帝代又寇金城今金城

平安鄉趙充國立屯田且討且招降者三萬餘人置金城屬國

以處之自後賓服後漢光武建中初寇金城馬援討破降之徙

七千口於三輔今京兆馮翊扶和帝以後又反叛豪滇零稱天

子南入益州今漢川漢東犯趙魏今趙魏郡寇及雍城今河內

也十餘年然後破散順帝永和又叛漢將馬賢戰歿後段熲

窮討及靈帝末方始平定自光武以後匈奴少事唯西羗屢梗焉魏二代時亂關隴不至大傷害永嘉以後吐谷渾興焉本遼東鮮卑晉時數百戶西附于陰山屬晉亂遂吞併諸羗而有其地至其孫棄延遂為疆國後魏末其主夸呂自號可汗建官多効中國治隋煬帝遣觀王雄大破之其主伏允遠遯收其地列置郡縣鎮戍後轉衰弱唐初吐蕃始興焉其帥後魏末自臨松郡丞故其主有贊之號後魏臨松郡今張掖郡張掖縣高宗時遂滅吐谷渾盡有其地將軍薛仁貴等大敗於大非川儀鳳中工部尚書劉審禮又率兵十八萬敗歿於青海調露中中書令李敬玄又大敗於大非川武太后如意初王孝傑方大破之始復龜茲等鎮萬歲通天初又寇梁州都督許欽明戰歿因贊府殺其名將諸欽陵之後累破敗遂劣於曩時矣

羗無弋

羗無弋爰劔者秦厲公時為秦所拘執以為奴隸不知爰劔何戎之別也後得亡歸而秦人追之藏於巖穴中得免與剽女遇合於野女耻其狀被髮覆面羗人因以為俗遂俱亡入三河間三河即黃河折支河湟中河今金城隴西安卿即之西南諸羗共畏事之推以為豪以射獵為事爰劔教之田畜種人依之者益衆羗人謂奴為無弋以爰劔嘗為奴隸故因名之其後世世為豪至爰劔曾孫忍時秦獻公初立欲復稷公之迹稷公霸有西戎今欲復忍季父印畏秦之威將其衆種人附落而南出析支河曲西數千里與羗絕遠不復交通其後子孫分別各自為種任隨所之或為羗牛種越羗是也今越或為白馬種廣漢羗是也今梓潼遂寧以西德陽即地或為參狼種武都羗是也今武都忍及弟舞獨留湟中忍生九子為九種舞生十七子為十七種羗人興盛從

此起矣及忍子研立研豪健故羗中號其後為研種秦始皇時兵務東向故種人得以繁息秦既兼天下使蒙恬將兵略地西逐諸戎北却衆狄築長城以界之至漢景帝時研種留河率種人求守

隴西塞今天水隴西等郡也於是徙留河等於狄道安故至臨洮氏道羗道

塞在今西平初開河西列置四郡酒泉武威張掖通道玉門隔絕

羗胡於是障塞亭燧出長城外數千里時先零羗與封養牢姐種

解仇結盟姐音紫與匈奴通合兵十餘萬共攻令居安故地在今金城郡遂

圍抱罕漢遣將軍李息將兵討平之始置護羗校尉統領焉羗乃

去湟中依西海鹽池之左右今酒泉郡之北漢遂因山為塞河西

地空稍徙人以實之至宣帝時諸羗又相與解仇寇改金城帝遣

後將軍趙充國將兵討之充國欲以屯田於臨羗東至浩疊浩疊縣即

謀乃擊之今金城郡廣武縣在西北時已發諸郡兵六萬人酒泉太守辛武賢奏言請

即擊之天子下書令充國博議往返者三四遂兩從其志武賢出

擊羗降破數千人詔罷兵獨充國留屯田明年五月充國奏言羗

本可五萬人軍九斬首七千六百級降者三萬一千二百人溺墜

饑死者五六千人定計遺脫與煎鞞黃羗並各是羗種俱亡者不過四

千人初置金城屬國以處降羗從爰劍種五世至研研最豪健自

後以研為種號十三世至燒當復豪健其子孫更以燒當為種號

自元帝以後數十年四夷賓伏邊塞無事至王莽末豪滇良內侵

燒當燒當玄孫及後漢初遂寇金城隴西司徒掾班彪上言今涼州郡涼州郡

州涼州郡除三輔外今安定平涼郡涼州郡皆有降羗被髮左衽而與漢人雜

處習俗既異言語不通數為小吏黠人所見侵奪窮悉無聊故致

文獻卷三百三十三

四裔考

五

反叛夫蠻夷寇亂皆為此也請依舊制益州部今漢州巴蜀州是置

蠻夷騎都尉幽州部今范陽上谷安邊及漁陽北平即當時幽州置領烏桓校尉涼州

部置護羌校尉皆持節領護理其怨結歲時循行問其疾苦又數

遣使驛通導動靜使塞外羌夷為吏耳目州部因此可得備備今

宜復如舊以明威防光武從之即以牛邯為護羌校尉及邯卒而

職省建武十一年先零種寇臨洮今和政隴西太守馬援破降之

後徙置天水今郡隴西扶風三郡今扶風汧陽新

自燒當至滇良世居河北大允谷後徙大小榆中榆中在今金城

由是始彊至於子湏吾永平初漢遣中郎將竇固等擊破降之徙

七千口置王輔而滇吾諸弟迷吾等數為寇盜章帝時馬防等討

破之於臨洮索西迷吾等悉降防乃築索西城在今和政自後或

降或叛少有寧歲和帝時迷吾子唐復將兵向塞金城守侯霸及

諸郡率兵破之羌衆折傷種人瓦解迷唐遂孤弱不滿千人遠踰

賜支河首即折支河依發羌居明年安定降羌燒何種脇諸種數百人

反叛安定郡今安定平涼會寧郡東境是郡兵擊滅之時西海及大小榆左右無復

羌寇喻麋相曹鳳上言喻麋將名在今所西戎為害前世所患臣

且以近事言之自建武以來其犯法者常從燒當種起所以然者

以其居大小榆二地肥美又近塞內諸種易以為非難以攻伐南

得種存種存別以廣其衆北阻大河因以為固又有西海魚鹽之

利緣山濱水以廣曰畜故能彊大常雄諸種恃其權勇招誘諸胡

今者衰困黨援壞沮親屬離叛餘勝兵者不過數百流亡逃竄遠

依發羌臣愚以為宜及此時建復西海郡縣漢武遂諸羌置西海

立之復規固二榆廣設屯田隔塞羌胡交關之路遏絕狡窺欲

之源又殖穀富邊省委輸之役國家可以無一方之憂於是拜鳳

為金城西部都尉將徙徙出屯龍耆龍耆即龍支今西平即縣後金城長史上

官鳴開置歸義建威屯曰二十七部侯霸復上置東西即屯田五

部即水各也分流左增逢留二部帝皆從之列也夾河合四十部

其功垂立至永初中諸郡羗叛乃罷迷唐矢衆病死有一子來降

戶不滿數十頃吾魯孫麻奴初隨父東號降居安定時諸降羗布

在郡縣皆為吏人豪石所徭役積云滿愁怨安帝永初元年麻奴

兄弟因此遂與種人俱西出塞先零別種歸洒濠滇零與種羗大

為寇掠蒲奴感反征西校尉任尚率諸郡兵與滇零等戰於平襄地在

水尚軍大敗於是滇零自稱天子於北地招集武帝參狼上郡西

河今西河銀諸雜種衆遂大盛東犯趙魏南入益州遂寇鈿三輔

斷隴道湟中諸縣粟石萬錢百姓死亡不可勝數諸郡屯兵救之

三輔三輔即京兆扶風馮翊也今衆羗乘勝漢兵數挫當煎勒姐

種攻破羗縣今西平郡鐘羗又沒臨洮今和政縣界軍營又出無

功有廢農桑乃詔任尚將吏兵還屯長安置京兆虎牙都尉於長

安扶風都尉於雍今扶風郡如西京三輔故事至四年大將軍鄧騭

議欲棄涼州虞詡曰不可今羗所以不敢入據三輔為心腹之害

者以涼州在後故也其二人所以推鋒無反顧之心者為臣屬於

漢故也若棄其境域徙其人衆安土重遷必生異志如使雄豪相

聚席卷而東雖虎賁為卒白起太公為將亦恐不足禦當今之計

者宜令四府九卿各辟彼州數人其牧守令長子弟皆除為冗官

外以勸勵答其功勤內以拘致防其邪計誠能如此則可無患於

是四府皆從詡議時漢中太守鄭勤戰死羗勢轉盛遂徙金城郡

居襄武漢金城郡理元居縣地今郡黃武縣羗入寇河東至

河內百姓相驚多南奔渡河使北軍中候朱寵將五營土屯孟津

文獻卷三百三十三

四裔考

七

詔魏郡等郡今魏郡地趙國今趙郡地常山今郡地中山今郡地傳陵今郡地繕作塢城六百

一十六所羗既轉盛而二千石令長多內郡人並無守戰意皆爭

上徙郡縣以避寇難朝廷從之遂移龍西徙襄武漢隴西郡理地今隴西

城郡安定徙美陽漢安定郡理地今扶風徙弘農漢弘農郡理地今弘農

乃州其未稼發撤室屋夷營壁破積聚時連旱蝗饑荒而驅賊劫

掠流離分散隨道死亡咸棄捐老弱或為人僕妾喪其大半泯零

死子零昌立元初元年遣兵屯河內今郡地通谷衝要三十三所皆

為塢壁設鳴鼓零昌進兵寇雍城今郡地遣任尚為中郎將將羽

林緹騎五營子弟屯三輔尚臨行懷令虞詡說尚曰懷縣今河內

使君頻奉國命討逐寇賊三州屯兵二十餘萬人棄農桑疲苦

從役未有功效勞費日滋若此出不尅誠為使君危之尚曰憂惶

又矣詡曰兵法弱不攻彊走不逐非自然之勢也今虜皆馬騎日

行數百來如風雨云如絕絃以步追之勢不相及所少曠日無功

也為使君計者莫若罷諸郡兵令出錢數千二十人共市一馬如

此可拾甲冑馳輕兵以萬騎之家遂數千人之虜首尾掩截其道

自窮便人利事大功立矣尚即上言用其計乃遣輕騎鉞擊斬首

數百級明年秋漢又築馮翊北界今馮翊之北候塢五百所自後頗

破之諸羗无解三輔益州益州今洋州無復寇警自羗叛十餘

年間兵連師老不甦寧息軍旅之費轉運委輔用二百四十餘億

府帑空竭帑他延及內郡邊入死者不可勝數并涼二州遂至虛

耗并州郡領反延及內郡邊入死者不可勝數并涼二州遂至虛

京自後隴西上郡武威張掖仍寇盜不息上郡今工中郡延安

並今順帝永建四年尚書僕射虞詡上疏曰臣聞禹貢雍州之域

郡地

厥田惟上上且沃野千里穀稼殷積又有龜茲鹽池以為人利漢

郡龜茲縣有鹽池在水草豐美土宜產牧北阻山河乘阨據險因

渠以溉水春河漕水春即水淮也用功省少而軍糧饒足故孝武

皇帝及光武築朔方朔方即開西河置上郡皆為此也而元元彼

災數羗內潰郡縣兵荒二十餘年天棄沃壤之饒捐自然之財不

可謂利離山河之阻守無險之處難以為固今三郡未復前因羗

西安定北地上郡四郡之人今言復三郡者當為龍西園陵軍外

聖聽考行所長書奏帝乃復三郡使謁者郭璜督徙徙者各歸舊

縣繕城郭置候驛既而激河浚渠為屯田省內郡費歲一億計遂

令安定北地上郡及隴西金城北地今彭原安化靈武五原寧朔等郡地常儲穀粟令

周數年至陽嘉元年以隍中地廣更增置屯田五部并前為十部

二年復置隴西南部都尉如舊制隴南都尉治隴西永和中以

來機為并州刺史劉乘為涼州刺史大將軍梁商謂機等曰戎狄

荒服言其荒忽無常而統領之道亦無常法臨事制宜略依其俗

今三君素姓嫉惡欲分明白黑孔子曰人而不仁嫉之已甚亂也

况戎狄乎其務安羗胡防其大故忍其小過機等天性虐刻遂不

能從到州之日多所擾發五年夏且凍傳難種羗等遂反叛金城

與西及隍中西平也雜種羗大寇三輔於是拜馬賢為征西將

軍將左右羽林五校士及諸州郡兵十萬人討之又於扶風漢陽

隴道扶風今汧陽扶風新平等郡地作塢壁三百所置屯曰以保

聚百姓賢軍大敗賢及二子皆戰沒於是東西羗遂大會華唐種

三千餘騎寇隴西北地又燒園陵掠關中殺傷長吏武威太守趙

冲進擊冲雖戰沒而前後多所斬獲羗曰是喪耗自永和叛十餘

年間費用八十餘億諸將多斷盜牢廩私自潤入直皆以珍寶貨賂左右上下放縱不恤軍事士卒不得其死者白骨相望於野帝延熹二年燒當八種寇隴右以段熲為校尉將兵及湟中義從羗二千人擊破之追討南渡河募先登懸索相引力折朱盡且闔且行晝夜相改割肉食盡三十餘日遂至河首積石山山在今西平安界出塞二千餘里前後斬首虜并受降各萬餘人會段熲坐事徵羗遂陸梁覆沒營焉寇患轉盛中郎將皇甫規張奐雖累破之而寇不已復遣段熲擊之自春及秋無日不戰虜遂饑因敗散九破西羗斬首二萬三千級獲生口數萬西羗於是弭定東羗先零等自覆沒馬賢後既降又叛帝以問熲曰狼子野心難以恩納唯當曰刃加領直計其所餘三萬餘落居近塞囚久亂并涼累侵三輔西河上郡已各內徙安定北地復至單危自雲中五原西至漢

陽二千餘里今在涼州郡即漢雲中五原郡匈奴種羗並擅其地是為雍羗休疹留滯脅下如不加誅轉就滋大若以騎五千步兵萬人車三千兩三冬兩夏足以破定無慮用費為錢五十四億如此可令群羗破盡匈奴長服內徙郡縣得反本玉伏計永初中諸羗反叛十有四年月二百四十億永和之末復經七年用八十餘億費耗若此猶不誅盡餘孽復起于茲作害今不暫疲今則永寧無期帝許之靈帝建寧初熲與先零諸種戰斬首八千餘級熲復追之且破且追士皆重研既到涇陽今平原郡餘寇四千落悉散入漢陽山谷間時張奐上言東羗雖破餘種難盡熲性秉慮輕負敗難常宜且恩降可無後悔詔書下熲熲復上言曰臣本知東羗雖衆而軟弱易制所以比陳愚慮思為永寧之筭而張奐說虜疆難破宜用招降去臣兵連年累見祈謁又言一氣所生不可誅盡山谷廣

大不可空靜臣伏念周秦之際戎狄之害中興以來羗寇最盛誅之不盡雖降復叛今先零雜種累以反覆攻沒縣邑剽掠人物上天震怒假寺行誅臣自動兵衆和師克自橋門以西落川以東金城會寧平涼等郡之地非為深險絕域之地車騎安行無應折衄案兵駐軍

二年不能平寇誕亂空說僭而無徵何以言之首先零作寇趙充國徙居內地前當煎嵐邊馬援遷三輔始服終叛至今為便故遠識之士以為深憂今傍郡戶口單少數為羗所瘡毒而欲令降徒與之雜君是猶種荆棘於良曰養虺蛇於室內也故臣奉大漢之威建長久之策欲絕其本根不使能植本規三歲之費用五十四億今適周年所耗未半而餘寇殘燼將向殄滅臣每奉詔書軍不內御願卒斯言一以任臣臨時量宜不失權便二年頗遂進營逼諸羗大敗之于瓦亭山在今平涼郡蕭門縣羗衆潰東奔復聚射虎谷分守

諸谷上下門文先令千人於西縣今天水郡結竹為棚廣二十步

長四十里遮之然後兵擊之窮山深谷之中處處破之斬其渠帥

以下萬九千級獲畜產諸物不可勝數於是東羗悉平九百八十

戰斬三萬八千六百餘級牛馬羊驢駝四十二萬七千五百餘

頭費用四十四億將士死者四百餘人自爰劍後子孫支分九百

五十種其九種在賜支賜支即析支河首以西及在蜀漢蜀漢徵北參狼在

武都勝兵數千人其五十二種衰少不能自立分散為附落或絕

滅無後或引而遠去其八十九種唯鐘最彊勝兵十餘萬其餘大

者萬餘人小者數千人更相鈿盜盛衰無常大凡順帝時勝兵可

二十萬人發羗唐棐等絕遠未嘗往來蹇牛白馬羗在蜀漢其種

別名號皆不可知也中平元年北地降羗先零種及抱罕河關群

盜囚黃巾大亂乃與漢中羗義從胡北宮伯玉等反寇隴石致金

城人邊章韓遂共殺金城太守韓懿攻燒州郡入寇三輔侵逼園陵詔遣破虜將軍董卓討羗大破之興平元年馮翊降羗反寇諸縣郭汜焚稠擊破之斬首數千級

姚氏

姚弋仲南安赤亭羗人世為羗酋其燒當雄於洮梁之間七世孫填震漢中元末寇擾西州為楊虛侯馬武所敗徙出塞震九世孫遷那率種人內附漢朝嘉之假冠軍將軍西羗校尉歸順生處之於南安之赤亭那玄孫柯廻為魏鎮西將軍綏戎校尉西羗都督廻生弋仲少英毅衆畏而親之晉永嘉之亂東徙榆眉戎夏纏負隨之者數萬自稱護西羗校尉雍州刺史扶風公後歸劉曜曜以為平西將軍封平襄公曜亡復事右勒勒以弋仲行安西將軍不夷左都督石氏之亡遣使降晉詔拜持節不夷大都督車騎大將軍開府儀同三司大單于高陵郡公弋仲死子襄嗣自稱大將軍大單于引兵圍關中兵敗為符生所殺襄弟萇降于生符堅以為龍驤將軍封益都侯堅敗于淮南歸長安萇叛之自稱大將軍大單于萬年秦三後襲堅執而弑之遂僭即皇帝位國號秦傳子興泓三十二年而亡

湟中月氏胡

湟中月氏胡其先大月氏之別也在張掖酒泉地月氏王為匈奴冒頓所殺餘種分散西踰葱嶺其羸弱者南入山阻依諸羗居止及漢將霍去病破匈奴取西河池開湟中今西平於是月氏來降與漢人錯居雖依附縣官而首施兩端首施猶其從漢兵戰鬪隨勢疆弱被服飲食言語畧與羗同亦以父名母姓為種其大種有七勝兵合九千餘人分在湟中及令居又數百戶在張掖號曰義

從胡後漢靈帝中平初與北宮伯玉等殺護羌校尉冷徵金城太守陳懿遂寇亂隴右焉以天水郡

范曄論曰羌戎之患三代尚矣漢世方之匈奴頗為衰寡而中

興以後邊難漸大朝規失綏御之和戎帥騫然諾之信故永初

中群種盜起遂解仇熾結盟詛陸梁三輔建號稱制東侵趙魏

之郊南入漢蜀之鄙塞湟中斷隴道燒陵園則城市傷敗踵繫

羽書日聞并涼之士持衝殘弊自西戎亦逆未有陵斥上國若

斯其熾也和熹以女君親政威不外接朝議憚兵力之損情

存苟安或以邊州難接宜見損棄或懼疽食浸淫莫知所限謀

夫迴違猛士疑慮遂徙西河四郡之人雜寓關右之縣發屋伐

樹塞其懸土之人燔破背積以防顧還之思於是諸將鄧騭任

尚馬賢皇甫規張奐之徒爭設雄規更奉征討馳騁東西奔救

首尾搖動數州之境日耗千金之資至於假人增賦借奉侯王

引金錢縑絲之珍微糧粟鹽鐵之積所以賂遺購賞轉輸勞來

之費前後數十臣萬或梟剋首徒摧破附落降俘載路牛羊滿

山軍書未奏其利害而離叛之狀已言矣故得不酬失功不半

勞官人屈竭烈士憤喪段熲受事專掌軍任蒙沒冰雪履千折

之道始殆歿西種卒定東寇若乃陷擊之所殲傷追走之所崩

籍其能穿窬草石自脫於鋒鏃者百不一二而張奐盛稱戎狄

一氣所生不宜誅盡流血汗野傷和致妖是何言之迂乎羌雖

外患實深內疾若攻之不根是養痾於心腹也根為盡其根本惜哉寇

敵略定矣而漢祚亦衰焉嗚呼昔先王疆理九土判別畿荒知

夷貊殊姓難以道御故斥遠諸華薄其貢職唯與辭要而已若

二漢禦戎之方失其本矣何則先零侵境充國遷之內也宣帝時後

將軍趙充國擊先零還於金城郡置屬國以處降羗當煎作寇馬援徙之三輔貪其暫安之勢信其馴服之情計日用之權宜忽經世之遠略夫豈識微者之為乎

氏

氏者西戎之別種在冉隴東北今通化郡廣漢之西今梓潼遂寧

北其種非一或號青氏或號白氏或稱蚺氏蚺而此蓋中國人即

其服色而名之也土地險阻有麻曰出漆蜜銅鐵椒蠟氏人勇鸇

曾貪貨死利居於河池一名仇池方百頃四面斗絕仇池山在今

縣數為邊寇郡縣討之則依固自守其俗語不與中國及羗胡同

各自有姓如中國之姓其衣服尚青俗能織布善曰種畜羊豕牛

馬驢騾婚姻備六禮知書疏多知中國語曰與中國錯居故也元

封三年氏人反遣兵討破之分徙酒泉郡昭帝元鳳初氏人復叛

遣大鳴臚田廣明將三輔太常徒討破之至後漢初氏人悉附隴

蜀及隗囂滅其酋豪乃背公孫降漢隴西太守馬援上復其三侯

君長賜以印綬後囂族人隗茂反攻殺武都太守氏人豪齊鐘留

為種類所敬信威服諸豪與郡丞孔奮擊茂破斬之其後亦時寇

盜郡縣不足為大患魏武之初諸氏戎或叛或伏乃令夏侯妙才

討之因徙武都之種於秦川以禦蜀晉時關隴屢為氏羗所擾孟

觀西討因擒氏帥齊萬年華陰令江統法惟四夷亂華宜杜其萌

乃作徙戎論曰春秋之義內諸夏而外夷狄以其言語不通贄幣

不同法俗詭異種類乖殊或居絕域之外山河之表崎嶇險阻之

地與中國壤土隔不相侵涉賦役不及正朔不加故曰天子有道

守在四夷其氣貪婪凶悍不仁四夷之中戎狄為甚弱則畏服彊

則侵叛雖聖賢之代大德之君咸未能以道化率尊而以恩德柔

懷也當其疆也以殷之高宗丁武而憊於鬼方有周文王而患昆夷
獫狁漢祖困於白登孝文軍於霸上及其弱也周公來九譯之貢
中宗宣納單于之朝以元成之微而猶四夷賓服此其已然之效
也故匈奴求守邊塞而侯應陳其不可單于屈膝未央蕭望之議
以不臣是以有道之君不收夷狄也唯以待之有備禦之有常雖
稽顙執贄而邊城不弛固守為寇賊疆暴而兵甲不加遠征期令
境內獲安疆場不侵而已及至周室失統諸侯專征以大蕪小轉
相殘滅封疆不固而利害異心戎狄乘間得入中國或招携安撫
以為已用故申繒之禍顛覆宗周襄公要秦遠興羗戎當春秋時
義渠大荔君秦晉之域陸渾戎處伊洛之間搜瞞之屬瞞莫干反害及
濟東侵入齊宋陵虐邢衛齊桓攘之存亡繼絕北伐山戎以間燕
路故仲尼稱管仲之力嘉左衽之功逮至春秋之末戰國方盛楚

吞蠻氏晉翦陸渾趙開渝中之地秦滅義渠之種始皇帝之并天
下也南蕪百越北走匈奴五嶺長城戍卒億計雖師役煩費寇賊
橫暴然一切之功戎虜奔却當時中國無復四夷也漢興都長安
關中之郡號曰三輔禹貢雍州宗周鄠鎬之舊也及建武中以馬
援領隴西太守討叛羗徙其餘種於關中居馮翊河東空地而與
華人雜處數代之後族類蕃息既恃其疆且苦漢人侵之末初之
元駉都尉王弘使西域調發羗氏以為行衛於是群羗奔駭互相
煽動二州之戎一時俱發覆沒將守屠破城邑鄧騭之征棄申委
兵輿屍喪帥前後相繼諸戎遂熾至於南入蜀漢東掠趙魏唐哭
軹關源今濟南縣侵及河內地今郡乃建北軍中候朱寵將五營士卒於孟
津今河陽縣距羗十年之中夷夏俱弊任尚馬賢僅乃克之此所以為
害尤重累年不定者雖曰禦之者無乃將非其才亦豈不以寇發

心腹害起肘腋疼篤難療瘡大遲愈之故哉自此之後餘燼小有
際會輒復侵叛馬賢怛伏終於覆敗段熲臨衝自西徂東雍州之
戎常為國患中代之寇唯此為大漢末之亂關中殘滅魏興之初
與蜀分隔疆場之戎一彼一此魏武令夏侯妙才討叛氐阿貴千
萬等後因枝棄漢中遂徙武都之種於秦川欲以弱寇疆國捍禦
蜀虜此蓋權宜之計一時之勢非所以為萬代之利也今者當之
已受其弊矣夫關中土沃物豐厥曰上上加以涇渭之流溉其島
鹵鄭國白渠灌浸相通黍稷之饒畝號一鐘帝王之都每以為居
未聞戎狄宜在此土也非我族類其心必異戎狄志態不與華同
而因其衰弊遷之畿服士庶翫習侮其輕弱使其怨恨之氣毒於
骨髓至於蕃育衆盛則生其衷心以貪悍之性挾憤怒之情候隙
乘便輒為橫逆而居封域之內無障塞之隔掩不備之人收散野

之積故能為禍滋蔓暴害不測此必然之勢已驗之事也當今之

宜宜及兵威方盛衆未能定徙馮翊今郡北地今彭新平今安定

郡界內諸羌著先零罕开析支之地徙扶風今郡始平今郿武

京兆之氐今京兆出還隴右著陰平今郡武都之界武都今廩其

道路之糧令足自致各附本種反其舊土使屬國撫夷就安集之

戎晉不雜並得其所上合往古即序之義下為盛代永久之規縱

有猾夏之心風塵之警則遠絕中國隔閩山河雖為寇暴所害不

廣是以充國子明能以數萬之象制群羌之命有征無戰全軍獨

克雖有謀謨深計廣大遠圖豈不以華夷異處戎夏區別要塞易

守之固得其成功者哉難者曰方今關中之禍暴兵二載征戍之

勞老師一萬水里之害荐饑累荒疫癘之災北瘞天昏凶逆既戮

悔惡初附且欵且畏咸懷危懼百姓愁苦異人同慮冀寧息之有

期若枯旱之思雨誠宜鎮之以安悅而子方欲作役起徒興功造
事使疲悴之衆徒自猜之寇以無穀之人遷之食之虜恐勢盡力
屈緒業不卒羗戎離散心不可一前害未及弭而後變復橫出矣
谷曰羗戎猾夏擅相署號攻城野戰傷害牧守連兵聚衆載離寒
暑矣而今異類瓦解同種土崩老幼擊虜丁壯降散禽離獸迸不
能相子以此等為尚挾餘資悔惡反善懷我德惠而來柔附乎將
勢窮道盡力俱因懼我兵誅以至於此乎曰無有餘力勢窮道
盡故也然則我制其短長之命而令其進退曰已矣夫樂業者不
易事安居者無遷志方其自疑危懼畏怖促遽故可制以兵威使
之左右無違也迨其死亡流散離邊未鳩與關中之人戶皆為讎
故可遐遷遠處令其心不懷土也夫聖賢之謀事也為之於未有
理之於未亂道不著而平德不明而成今子遭弊事之終而不圖

更制之始愛易轍之勤得覆車之軌何哉且關中之人百萬餘口
率其少多戎狄居半處之遷之必須口實若有窮乏糝粒不繼者
故當仰關中之穀以全生生之計必無擠於溝壑而不為侵掠之
害令我遷之傳食而至附其種族自使相贍而秦地之人得其半
穀此為濟行者以廩糧遺居者以積倉寬關中之逼去盜賊之源
除朝夕之損建終年之益若憚暫舉之小勞而忘永逸之弘策惜
日月之煩費而遺累代之寇敵非所謂能開物成務創業垂統崇
本拓跡謀及子孫者也并州之胡本實匈奴桀惡之寇也漢宣之
代凍餒殘破國內五裂後合為二呼韓耶遂衰弱孤危不能自存
依阻塞下委質柔服建武中南單于復來降附遂令入塞居於漠
南數代之後亦輒叛矣故何熙梁覲戎車屢征中平中靈帝以黃
巾賊起發調其兵部衆不從而殺羗渠南單于也由是以扶羅羗渠子求

助於漢以討其賊仍值代喪亂遂奔豐而作鹵掠趙魏寇至河南

建安中又遣右賢王去卑誘質呼厥泉於地聽其部落散居六

部太原西河平陽上黨樂平地今咸熙之際以一部太極分為三

率泰始之初又增為四於是劉猛內叛猛即元海之連結外虜近

者却散之變發於穀遠惠帝元康中匈奴却散反攻城邑謀今五

部之衆戶至數萬人口之盛過於西戎然其天性驍勇弓馬便利

部於氏羗若有不虞風塵之慮則并州之城可為寒心也榮陽句

驪本居遼東塞外正始中幽州刺史毋丘儉伐其叛者徙其餘種

尸落百數子孫孳息孳音今已千計數代之後必至殷熾今百姓

失職猶或亡叛犬馬肥充則有噬齧况於夷狄能不為變大為邦

者患不在貧而在不均憂不在寡而在不安以四海之廣士庶之

富豈須夷虜在內然後取况哉此等皆可申論發遣還其本域慰

彼羈旅懷土之思釋我華夏織芥之憂慮此中國以綏四方也未

及十年而夷狄亂華時人服其深識於是戎狄迭據中原其為戰

國者百三十六載而劉元海為之禍首初後漢建安中氏酋楊勝

為部落大帥勝子駒勇健多計略始據仇池於上平地立宮室東

園倉庫其地東接秦嶺西接宕昌八百里南去漢中四百里北至

岐州三百里戶本有十萬漸漸分滅焉駒後有名千萬者魏拜為

百頃氏主千萬孫飛龍漸疆盛晉武帝假平西將軍還居略陽楊

與符氏同出略陽略陽無子養外甥令狐茂搜以為子惠帝元康

地今天水郡龍城縣初避齊萬年之亂率部落還保百頃自號右賢王關中人士奔流

者多依之自茂搜至姪曾孫纂皆降附於晉受官爵符堅遣將楊

安符雅等討纂克之徙其人於關中空百頃之地初茂搜孫朱奴

二子佛奴佛狗奔符堅以女妻佛奴子定以為尚書領軍將軍及

堅敗於淮南關中擾亂定盡力奉堅堅死將家奔隴右徙理歷城

歷城在今同谷郡西置倉儲於百頃招合夷夏人得千餘家進平

天水略陽郡天水略陽並遂有秦州之地今天水隴西同谷後與

乞佛乾歸戰定軍敗見殺佛狗子盛先襲位分諸四山氏羗為二

十部護軍各為鎮戍不置郡縣至子難當時宋梁州刺史理漢甄

法護刑政不理難當舉兵襲梁州法護委鎮奔洋州今洋州難當遂

有漢中之地宋文帝元難當自為大秦王號年曰建義置百官後

傾國南寇規有蜀二不克乃還宋文帝遣龍驤將軍裴方明等討

難當方明等至漢中馬驅而進直到武興攻下今同谷郡取白

水克仇池難當於是將妻子奔後魏難當從弟文度自立為武王

後魏遣將皮歡喜破殺之弟文弘自為武都王至孫紹先為後魏

將邢靈傳豎眼所破滅以其國為武興鎮今順後改鎮為東益州

後唐宋為刺史氏人反攻圍州城宋殺氏遂削平城堞困此後為

氏地西魏文帝大統四年南岐州氏符安壽反攻陷武都自號大

皇遣侯莫陳順等討破之周文帝於武興又置東益州以紹先子

辟邪為刺史辟邪據州反吐羅協與趙昶討平之

符氏

符洪字廣世略陽臨渭氏人世為西戎酋長始其家池中蒲生長

五丈五節如竹形時咸謂之蒲家因以為氏父懷歸為部落小帥

先是隴右大雨百姓謠曰雨若不止洪水必起故因名洪好施多

權略驍武善騎射晉永嘉之亂宗人蒲光等推洪為盟主劉曜借

號長安洪歸曜拜率義侯曜敗洪西保隴山又降于石虎拜冠軍

將軍委以西方之事累有戰功封西平郡公其部下賜爵關內侯

者二千餘人虎死洪降晉有衆十萬詔以為征北大將軍都督河

北諸軍事冀州刺史廣川郡公洪以讖文有草付應王遂改姓符
氏自稱大將軍大單于王秦王洪死子捷去秦王之號稱晉官爵
遣使告喪自稱晉安西大將軍雍州刺史率衆西行入潼關取長
安遂僭即皇帝位國號秦傳生堅丕登五世四十四年而亡

文獻通考卷之三百三十三

文獻通考卷之三百三十四

鄒陽 焉 端臨 貴與 著

四裔考

葱嶺羗

墩煌西西域之南山中從娑羗娑而西至葱嶺數千里有月氏餘
種葱嶺羗白焉黃牛羗各有首豪北與諸國接不知其道里廣狹
傳聞黃牛羗種類孕身六月生南與白馬羗鄰並魏時聞焉

吐谷渾

吐谷渾本遼東鮮卑也西晉時首帥徒何跋歸有二子長曰吐谷
渾少曰若洛庖胡罪代統部落別為慕容氏渾庶長庖正嫡父在
時分七戶與渾渾與庖二部俱牧馬馬鬪相傷庖怒遣使謂渾
曰先公處分與兄弟異部牧焉何不相遠而令焉鬪渾曰焉是畜

生食草飲水春氣發動所以致鬪鬪在於焉而怒於人耶垂別甚
 易今當去汝於萬里之外矣於是擁焉西行乃西附陰山今朔方
 屬永嘉之亂始度隴西止於袍罕而後子孫據有并松之南洮水
 之西南極於白蘭在益州西北并松山在今交州郡境今臨洮洮政郡之南及合川郡之地其地
 四時常有冰雪唯六七月雨雹甚盛若晴則風飄沙礫有麥無穀
 其青海周廻千餘里海中有小山每冬冰合後以良化焉置北山
 至來冬收之焉有孕所生得駒號曰龍種吐谷渾嘗得波斯草焉
 放入馬因生總駒能行二里故有稱青海驄焉至其孫葉延以禮
 云公孫之子得以三父子為氏吾祖始自昌黎先宅於此今以吐
 谷渾為氏尊祖之義也自吐谷渾至華延曾孫視黑皆有才略知
 古今司馬博士皆用儒生至其子阿豺自號車騎將軍河州刺史
 部內有黃沙周回數百里不生草木因號沙州阿豺兼并氐羗地

方數千里號疆國界西疆山觀墊江源問於郡寮曰此水流更有
 何名由何郡國入何水也其長史曾和曰此水經仇池過晉壽出
 宕渠始號墊江至巴郡入江渡廣陵會于海阿豺曰水尚知歸吾
 雖塞表小國而獨無所歸乎乃遣使南通宋獻方物宋少帝封為
 澆河公文帝元嘉中又加朝命遣使入朝貢阿豺有子二十人病
 謂其母弟慕利延取箭一隻折之慕延折之復命取十九箭折之
 慕延不能折阿豺曰汝曹知不單者易折衆則難摧戮力一心社
 稷可固既卒弟慕瓚立遣軍擊乞伏笈莫敗之戎音東奔隴右慕
 瓚據有其地其時赫連定據長安為後魏王所攻敗擁秦雍戶口
 十餘萬西次罕井慕瓚拒擊大破之生擒定送於魏後弟慕延立
 魏太武帝遣軍擊延大破之慕延率部落西奔白蘭攻破于闐國
 南依罽賓七年乃還舊工慕延死阿豺兄樹洛于子拾寅立始邑

于伏羅川至文孫夸呂立自號為可汗理伏侯城在青海西十五里
里有地方數千里其西北諸雜種謂之阿貳虜貳即其南界龍涸
城云成都千餘里大戎有四一在清水川一在赤水一在澆河一
在吐屈真川皆子弟所理其主理慕賀川西有黃沙南北百二十
里東西七十里不生草木雖有城郭不君而隨逐水草官有王公
僕射尚書及郎中之號其王推真造髻以皂為帽其妻衣織成裙
披錦袍辯髻於後首戴金花丈夫衣服略同於華夏多以纂羅為
冠亦以繒為帽婦人皆貫珠束髮以多為貴丘器有弓刀申稍國
無常賦湏則稅富室商人以充用焉父兄亡妻後母及嫂等與此
狄俗同死者亦皆埋殯其服制葬訖則除之性貪婪忍於殺害後
周明帝武成初夸呂寇涼州詔賀蘭祥率兵討破之又攻拔其洮
陽况和二城置洮州今臨洮而還武帝天和初其龍洞王莫昌率

衆降以其地為扶州今同昌二年復遣皇太子征之軍度青海至

伏侯城夸呂遁走虜其餘衆而還隋開皇中夸呂侵洮州在今安

界領縣遣上柱國元諧擊之賊悉發國中兵自曼頭至於樹敦甲騎

不絕諧頻擊破之夸呂率其親兵遠遁其名三十三人各率部落

而降夸呂在位且百年死以後還以慕容為姓其子伏允立煬帝

初伏允遣子順來朝帝令鐵勒襲大敗之伏允東走保西平今西

帝復令觀德王雄以掩之大破其衆伏允遁逃部落來降十萬餘

口伏允懼南遁於山谷間其故地皆空自西平臨羗城以西且末

以東祁連以南雪山以北東西四千里南北二千里皆為隋有置

郡縣鎮戍發天下輕罪徙居之其地在今西平郡之西張掖酒泉

於是留順不之遣伏允無以自資率其徒數千騎客於党項大

業末天下亂伏允及順復其故也唐武德初順以兵助擊李軌自

號為太寧王太宗時遣使人朝未還即寇鄯州又掠岷州寇涼州
乃命段志玄等討之得牛羊二萬還九年復命李靖侯君集等擊
之伏允遠遁為左右所殺子順降於是重建其國封順為西平郡
王仍加越巨屈胡呂烏可汗之號旋又為其下所殺十年立順子
諾易鋒為河源郡王主其國自是衰弱而吐蕃彊盛與相攻俱來
請師詔不許遣大將軍蘇安定為安集大使平兩國然後吐蕃遂
有其地咸亨元年以薛仁貴郭待封等總兵五萬討吐蕃且納諾
曷鉢於故廷諾曷鉢之子王師敗於大非川舉吐谷渾地皆陷諾曷
鉢與親近數千帳絕免三年乃徙浩亶水南諾曷鉢以吐蕃盛勢
不抗而鄯州地狹又徙靈州帝為置安樂州即拜刺史欲其安且
樂云諾曷鉢死子忠立忠死子置超立聖曆三年拜左豹韜負外
大將軍襲故可汗號餘部詣涼甘肅瓜以等州降宰相張錫與石

武衛大將軍唐休璟議徙其人於秦隴豐靈間令不得畔去涼州
都督郭元振以為吐谷渾近秦隴則與監牧雜處置豐靈又適默
啜假在諸華亦不遽移其性也前日三孝傑自河源軍徙耽爾乙
旬貴置靈州既而叛乃入牧坊掠群馬廐夷州縣是則遷中土無
益之成驗往素和貴叛去於我無損但失吐谷渾數十部豈與旬
貴比邪今降虜非彊服皆突失刃棄吐蕃而來宜當循其情為之
制也當甘肅瓜波降者即其所置之因所投而居情易安磔數州
而勢自分順其情分其勢不擾於人可謂善奪戎心者也歲遣鎮
遏使者與宣超兄弟撫護之無令相侵奪生業固矣有如叛去無
損中國詔可宣超死子曦皓立曦皓死子兆立吐蕃復取安樂州
而殘部徙朔方河東語謬為退渾貞元十四年以朔方節度副使
左金吾衛大將軍慕容復為長樂都督青海國王襲可汗號復死

停襲吐谷渾自晉永嘉時有國至龍朔王年吐蕃取其地凡三百五十年及此封嗣絕矣

乙弗敵

乙弗敵後魏聞焉在吐谷渾北國有屈海其海周迴十餘里衆有萬落風俗與吐谷渾同然不食五穀唯食魚與蘇子蘇子狀如中國苟杞子或赤或黑西有契翰一部風俗亦同土特多狼曰蘭山西北又有可蘭國風俗亦同目不識五色耳不聞五聲是夷蠻戎狄之中醜類也上無所出直大養群畜而戶落亦可萬餘人頑弱不知鬪戰忽見異人舉國使走柱如野獸體輕二走逐不可得

宕昌

宕昌羗後魏時興焉亦三苗之胤與先零燒當罕開諸部姓別自立酋帥皆有地分不相統攝宕昌即其一也俗皆亡著居有棟宇其屋織羗牛尾及殺羊毛覆之無法令又無徭賦唯征伐之時乃相屯聚不然則各事生業不相來往皆衣喪褐牧養羗牛羊豕以供其食俗有蒸報無文字但取木榮落以記歲時三年一相聚殺牛羊以祭天俗重虎皮以之送死有梁勤者代為酋帥得羗豪心乃自稱王其界自仇池以西東西千里席水以南南北八百里山在同谷郡上祿席水在今天水上却縣地多山阜部衆二萬餘落至其孫彌忿始遣使於後魏大武帝拜為宕昌王七葉孫彌秦皆受南北兩朝封爵未齊梁及魏並各羈縻之後見兩魏分隔求熙未種人企定乃引吐谷渾寇金城今郡後企定弟彌定寇石門戍周武帝太和初詔大將軍田弘討平之以其地為宕州今襄道郡

鄧至

鄧至羗之別種也後魏時興焉有像舒理者代為白水首帥因地

名為號鄧至王其地自千亭以東平武以西汶嶺以北石昌以南
今懷道郡之南通北郡之北風土習俗與宕昌周自舒理至十代
文川臨翼同昌郡之地也孫舒彭附于後魏孝文帝封甘松縣子鄧至王宋文帝及武帝時
 俱遣使南來修貢受其官爵後數代西魏恭帝初其王檐術因亂
 來奔周文帝遣兵送還自後無聞鄧至之西有赫羊國初其部內
 有一羊形甚大至鮮赤故為國名又有東亭衛大赤水寒巖石河
 薄陵下習峇驤單等諸羗國風俗麤獷與鄧至國不同魏時遣使
 貢獻皆假以雜號將軍子男渠帥之名

党項

党項羗三苗之後在古析支之地漢西羗之別種有宕昌白狼皆
 自稱獼猴種魏晉以降西羗微弱周滅宕昌鄧至之後党項始疆
 有佃封氏費聽氏往利氏頗超氏野律氏房當氏米禽氏拓跋氏
 而拓跋最為彊族其人多壽年至百五六十歲其地東接臨洮西
 平西拒葉護南比數千里屢山谷間每名別為部落大者五千餘
 騎小者千餘騎織毳牛尾及粘瘞毛為屋服裘褐披氊為上飾俗
 尚武力無法令各為生業有戰陣則屯聚無徭役不相往來養犂
 牛羊豬以供食不知稼穡其俗淫穢蒸報於諸夷中為甚無文字
 但候草木以記歲時三年一聚會殺牛羊以祭夫人年八十以上
 死者以為令終親戚不哭少者死則為天枉共悲哭之有琵琶橫
 吹擊缶為節魏周之際數來擾邊隋文帝為丞相時中原多故因
 此大為寇掠蔣公梁睿既平王謙請因還師討之開皇元年有千
 餘家歸化五年拓跋寧叢等各率眾詣旭州內附授不將軍其部
 下各有等差十六年復寇會州詔發隴西兵討之大破其衆人相
 率降遣子弟入謝罪帝謂曰還語爾父兄人生須有定居養老勿

乃不還尔走不蓋鄉里邪自是朝貢不絕唐貞觀三年其首細封
步賴舉部降以其地為軌州即授步賴刺史其後諸酋悉內屬以
其地為峒奉嚴遠四州即首領拜刺史其後拓跋赤碑等又舉部
降以其地為懿嵯麟可三十二州以松州為督府擢赤西戎州都
督賜姓李貢職不絕於是自河首積石山而東皆為中國地後吐
蕃浸盛拓跋畏偪請內徙始詔慶州置靜邊等處之地乃入吐蕃
其處者皆為吐蕃役屬更號弭藥至德末為吐蕃所誘使為鄉導
寇邊俄悔悟來朝乾元間中國數亂因寇邠寧二州肅宗詔郭子
儀杜冕桑如珪分二隊討之子儀至党項潰去上元元年在涇隴
部落十萬衆詣鳳翔節度使崔光遠降十年與渾奴刺連和寇寶
雞殺吏民掠財珍焚大散關人鳳州殺刺史蕭悅節度使李鼎追
擊走之明年又攻梁州刺史李勉走進寇奉天大掠華原同官去

詔臧希讓代勉為刺史於是歸順封封歸義順化和寧和義保蓋
寧定羅雲朝鳳九十州部落詣希讓獻款丐節即詔可僕回懷恩
之叛誘党項渾奴刺入寇衆數萬掠鳳翔盤屋大首即廷郝德入
同州刺史韋勝走節度使周智光破之登城閉月又入同州焚官
私室廬壁馬蘭山郭子儀遣兵襲之退保三堡子儀追慕容休明
諭降廷德子儀以党項吐谷渾部落散處鹽慶等州其地與吐蕃
濱近易相脅即表徙靜邊州都督夏州樂容等六府党項于銀州
之北夏州之東寧朔州吐谷渾住夏西以離沮之召靜邊州大首
領左羽林大將軍拓跋朝光等五刺史入朝厚賜賚使還殺其部
先是慶州有破五氏族王野利氏族五把利氏族一與亡暮姻援
贊普悉主之因是擾邊九十年子儀表工部尚書路嗣恭為朔方
留後將休少監梁進用為押党項部落使置行慶州且言党項陰

結吐蕃為讎可遣使者招慰愛其反謀因令進用為慶州刺史嚴
 邏以絕吐蕃往來道代宗然之又表置靜邊芳池相與三州都督
 長史來平旭定清寧寧保忠順靜塞萬吉等七州都督府於是破
 丑野利把利三部及恩樂州刺史拓拔乞悔等皆入朝宜定州刺
 史折磨希落芳池州野利部並從綏延州太曆末野利禿羅都與
 吐蕃叛招餘族不應子儀擊之斬禿羅都而野利景庭野利剛以
 其部數千人入附雞子川六州部落曰野利越詩野利龍兒野利
 厥律兒黃野海野罕等居慶州者號東山部夏州者號平夏部來
 秦後稍徙石州後為永安將阿使那思陳賦索無極遂亡走河西
 元和時復置宥州護党項至太和中浸疆數寇掠然器械鈍苦畏
 唐兵精則以善馬購鎗善羊貨弓矢鄰巧道軍糧使李石表禁商
 人不得以旗幟甲冑五兵入部落告者舉罪人財畀之至開成末
 種落愈繁富賈人齎繒寶鬻羊馬藩鎮乘其利疆而之或不得直
 部人怨相率為亂至靈鹽道不通武宗遣使招之功不就庫宗大
 中四年內掠邠寧詔鳳翔李業河東李祗合節度兵討之羗乃破
 殄餘種竄南山後唐同光二年其首領薄香來貢良馬天成二年
 河西党項如連山等來朝共進馬四十疋宰相奏党項之衆競赴
 都下賣馬常賜食禁延醉則連袂歌其土風九將到馬無駕良並
 云上進國家雖約價直以給之而計其館給賜資不啻倍價耗蠹
 國用請止之上以為國家常苦馬不足今蕃官自來中國錫賜乃
 朝廷常事不足言費自是蕃部羊馬不絕於路長興元年二年俱
 入貢授其首領以官三年以西路党項部族劫掠使臣及外域遊
 奉詔邠州節度使藥彥稠等率步騎七千討之誅其二十族七伯
 餘人獲其大首領六人黨類二千人駝馬牛羊數千計周廣順二

文獻卷三百二十四

卷四十四

七

年以府州党項泥也等之族大首領為德將軍宋時靈夏綏麟府
環慶豐州振戎天德振武軍並其族帳建隆二年代州刺史折也
埋來朝也埋党項之大姓也世居河右有捍邊之功故授以方州
召令入覲而遣還開寶元年直蕩族首領啜倍等引并人入寇府
州為王師所敗招降之太平興國六年七年府州豐州党項族首
領俱來貢雍熙初諸侯渠帥附李繼遷為寇詔判四方館事田仁
節及閣門使三旒等相繼領兵討擊并賜麟府夏銀豐州及日利
月利族敕書招諭之二年四月旒等於銀州北破悉利諸族斬首
三千六百餘級生擒八十人俘蕃漢老小一千四百餘口器甲一
百八十六帛偽署代州刺史折羅遇并弟埋乞獲為牛羊三萬計
五月又於開光谷西谷子平破保寺保齊族追奔二十餘里斬首
八百餘級梟其首領埋也巴等五十七人生擒四十九人繫其老
小三百餘人獲牛羊馬驢九四千餘計又破保洗兩族俘三千人
降五十五族獲牛羊八千計旒等麟州及三族寨羗人二千餘族
皆降蕃官折軍也等六十四人獻馬首罪願改圖自効為國討賊
遂與部下兵濁輪川斬賊首五十級首豪二十人李繼遷及三族
寨監押折御也皆遁云命內客省使郭守文自三交乘驛亟往與
王旒等同領邊事其後旒等又破銀州浪悉訛等族及夏州岌伽
羅膩等族又招降銀麟夏等州三族寨諸蕃一百二十五族合萬
六千一百八十九尸乃賜勅書以安撫之端拱二年夏州趙忠言
準詔市馬已獲三百疋其省州御泥布等族黨附繼遷不首賣馬
臣已領兵掩殺二百餘人擒百餘人其族即降詔書撫諭之四年
鄭文寶獻議禁青鹽蕃族四十四首領引騎萬三千人入寇環州
石昌鎮知環州程德言等擊走之因詔弛鹽禁由是部族寧恩自

是朝貢不絕官其首領賜錦袍銀帶茶絲以撫慰之景德元年麟
府路言附契丹戎人言泥族後黃太尉率三百餘帳內屬按黃本
大族居黃河北居豐州前數犯邊阻市馬之路其首領勇黠難制
契丹結之置為太尉今悉衆款塞詔府州厚賜亦絲給公田依險
居之計口賦粟毋得侵擾三年府州折堆昌言尤泥族大首領名
崖從父盛佑族為趙德明白池軍主密遣使來諭名崖云德明雖
外託修貢之名而黜閱兵馬尤急恐必劫掠山界各崖以告工嘉
之降詔撫諭就賜錦袍銀帶十一月鎮戍軍曹瑋言叛云蕃官蘇
尚娘復來歸附詔報瑋曰尚娘反覆無信特恐狙詐以設也吏又
使德明緣此為詞不可納也自後訖夫禧之末苗族來歸朝貢者
不絕每加拊慰或補官賜器幣羈縻之恩有加焉

白蘭

白蘭菴之別種東北接吐谷渾西至叱利模徙南界郡鄂風俗物
產與宕昌同周武帝保定元年朝獻使至有勝兵萬人勇於戰聞
唐武德二年使者入朝以其地為維恭二州貞觀六年與契苾數
十萬內屬求徵府特浪生羗十樓大首領凍就率衆來屬以其地
為劔州龍朔後白蘭春桑及白狗羗為吐蕃所臣籍其兵為前驅
白狗與東會州接勝兵總千人在西北者天授中內附尸凡二十
萬以其地為朝吳浮十州散居靈夏間

吐蕃

吐蕃在吐谷渾西南不知有國之所由或云禿髮利鹿孤有子樊
尼其主傳檀為乞伏熾盤所滅樊尼率餘種依沮渠蒙遜其後子
孫西魏時為臨松郡丞今張掖郡張掖縣界與三簿皆得衆心因魏末中華
擾亂招撫羗日以疆大遂改姓為率蘇骨敦野至今故其人號

其主曰贊府貴臣曰三簿又或云始祖贊普自言天神所生號鶻

堤悉補野因以為姓舉改野與悉補野言兆其實其國出都城五

百里過烏海入吐谷渾部落彌多彌蘇毗及白蘭等國至吐蕃界

其國風雨雷電每隔日有之盛夏節氣如中國暮春之月山有積

雪地冰瘴令人氣急不甚為害其俗重漢繒而貴瑟瑟男女用為

首飾其君長或在歧布川或居邏婆川有小城而不居坐大氍帳

張大拂廬其下可容數百人兵衛極嚴而衛府甚狹俗養牛羊取

乳酪世食兼取毛為榻而衣焉不食驢馬肉以交為妙人死殺牛

馬以殉取牛馬積累於墓土其墓正方累石為之狀若平頭至其

臣與君自為友號曰共命人其數不過五人君死之日共命人皆

日夜縱酒葬日於脚下針血盡乃死便以殉葬又有親信人用力

當腦縫鏹亦有將四尺木大如指刺兩肋下死者十有四五亦殉

葬焉設官父死子代絕嗣即近親襲焉非其種類輒不相伏其官

章飾有五等一謂瑟瑟二謂金主謂金飾銀上四謂銀五謂熟銅

各以方圓三十褐土裝之安膊前以辨貴賤法令嚴肅兵器有弓

力楯稍甲胃每戰前隊皆死後隊方進人馬俱披鏢子甲其制甚

精周體皆遍唯開兩眼非勁弓利力之所能傷也其戰必下馬列

行而陣死則遞收之終不肯退槍細而長於中國者弓矢弱而甲

堅人皆用劍不戰亦負劍而行其驛以鐵箭為契其箭長七寸若

急驛膊前加著十銀鵠有草名速古芒葉長二寸狀若斜蒿有鼠

尾長於常鼠其國禁殺者加其罪有可跋海去赤嶺百里方圓七

十里東南流入蠻與蠻西二河合流而東號為漾鼻水又東南出

會川為瀘水為自赤嶺至邏婆川絕無大樹木唯有楊柳人以為

寶置大論以統理國事無文字刻木結繩為約徵兵用金箭冠至

舉燧與其臣下一年一小盟用羊狗三年一大盟用人馬以麥熟

為歲首其國都號為邏婆城用法嚴整議事則自下而起因人所

利而行之此其所以能疆且久也重壯賤老母拜於子重兵死惡

病終以累代戰歿者為甲門臨陣奔北者懸狐尾於其首表其似

狐之法其贊普弄贊雄霸西域隋開皇中其主論贊索弄贊都祥

初西正播城已五十年矣國界西南與婆羅門接自唐初有勝兵

數十萬號為疆國男女皆辮髮氍裘以頽塗面無器物以手捧酒

而飲之屈木令圓以皮作底就中而食俗多金及小馬党項白蘭

諸部及吐谷渾西域諸國咸畏懼之至其王棄蘇農贊貞觀十五

年正月以宗室女封文成公王降于吐蕃贊普命禮部尚書江夏

王道宗送之弄贊親迎于河源見主執子婿禮甚謹歎大國服飾

禮義之美俯仰有愧沮之色謂所親曰我祖父未有通婚大國者

今我得尚大唐公主當築一城以誇後代仍遣首豪子弟請入國

學以習詩書至高宗初封寶王蘇農死其子早卒以孫代立號乞

黎拔布幼小大相祿東贊攝知國事總章中以兵臨吐谷渾吐谷

渾告急咸亨中高宗令將軍薛仁貴郭待封等率眾十餘萬伐之

至大非川為大論欽陵所敗因遂滅吐谷渾欽陵姓薛氏其父祿

東贊婆曉兵術吐蕃贊府以國事委之講兵訓師雅有節制吐蕃

之并兼諸羗雄霸西土東贊有力焉有子五人及東贊死欽陵兄

弟復專其國上元中寇鄯廓等州儀鳳三年遣工部尚書劉審禮

為洮河軍總管率兵十八萬以討之戰于青海軍敗沒於陣調露

二年中書令李敬玄戰于大非川又敗績續遣黑齒常之襲擊破

之武太后如意初武威軍總管王孝傑大破吐蕃復龜茲于闐疎

勒碎葉四鎮至萬歲通天初又寇涼州執都督許欽明欽陵兄弟

有才略欽陵多居中諸第分鎮方面諸蕃憚之二年吐蕃大論欽陵遣使請和武太后遣前梓州通泉縣尉郭元振往至野狐河與陵遇元振曰東贊事朝廷誓好無窮今猥自絕歲擾邊父通之子絕之孝乎父事之子叛之忠乎陵謝曰天子許和罷兩國戍守以便有姓豈不休哉然以西十姓突厥四鎮諸國或時附蕃或時附漢斯類皆多蕃覆乞聖恩拔去鎮守分離屬國多建君長使自為守既不款漢又不屬蕃人免憂虞荒陬幸甚元振曰唐以十姓四鎮撫西土為列國主道非有他且諸部與吐蕃異久為唐編入矣欽陵曰使者意我規削諸部為唐邊患邪我若貪土地財賦彼青海湟川近矣今捨不爭何哉突厥諸部積漠廣莽去中國遠甚安有爭地萬里外邪且四夷唐皆臣弁之雖海外地際靡石磨滅吐蕃適獨在者徒以兄弟小心得相保耳十姓五咄陸近安西於吐蕃遠俟斤距我裁一磧騎士騰突不易旬至是以為憂也烏海黃河關源阻奧多厲毒唐必不能入則弱甲彘將易以為蕃患故我欲得之非闕諸部也甘涼距積石道二千里其廣不數百狹才百里我若出張掖玉門使大國春不耕秋不獲不五六年可斷其右今棄不為亦無虞于我矣青海之役黃仁素約和邊守不戒崔知辯徑俛斤掠我牛羊萬計是以求之使使者固請元振固言不可許后從之欽陵專國又常居中制事諸第皆領方面兵而贊婆專東境幾三十年為邊患兄弟皆才略沈雄衆憚之贊普子器弩悉弄既長欲自得國漸不平乃與大臣論巖等圖去之欽陵方提兵居外贊普託言獵即勒兵執其親黨二千餘人殺之發使者召欽陵贊婆欽陵不受命贊普自討未戰欽陵兵潰乃自殺左右殉而死者百餘人贊婆以所部及兄子莽布支等款塞遣羽林飛騎迎

勞擢贊姿特進輔國大將軍歸德郡王莽布支左羽林大將軍安國公皆賜鐵券禮尉良厚贊姿即領部兵戍河源死贈安西大都護又遣左肅政臺御史大夫魏元忠為隴右諸軍大總管率隴右諸軍大使唐休璟出討方虜攻涼州休璟擊之斬首二千級於是論彌薩來朝請和贊普自將萬騎攻悉州都督陳大慈四戰皆說明年乃獻馬黃金求昏而虜南屬帳皆叛贊普自討死于軍諸子爭立國人立棄隸踏贊為贊普始士歲使者來告喪且求盟又使大臣悉董熱固來昏未報會監察御史李知古建討姚州蠻削吐蕃向導詔發劍南募士繫之蠻酋以情輸虜殺知古尸以祭天進攻蜀漢詔靈武監軍右臺御史唐九徵為姚嵩道討擊使率兵擊之虜以鐵絙梁漢湟二水通西洱蠻築域戍之九徵毀絙夷城建鐵柱於滇池以勅功中宗景龍二年還其昏明年遣使入貢可救

又遣宗俄請昏帝以雍王守禮女為金城公王妻之賜王錦繒雜使甚厚公王至吐蕃自築城以居拜楊矩為鄯州都督吐蕃雖外和而陰銜怒即厚餉矩請河西九曲為公主湯沐矩表與其地九曲者水甘草良宜畜牧近與唐接自是虜益張雄易入寇玄宗開元二年其相坐達延上書宰相乞載盟文定境於河源帝令姚崇等報書命解琬持神龍誓書吐蕃亦遣其臣來未幾而以兵十萬寇臨洮入攻蘭渭掠監馬楊矩懼自殺詔薛訥王暉等討之斬首萬七千獲羊馬無慮二十萬又戰長子虜大敗相梳籍死洮水為之不流宰相建言吐蕃大以河為境以公王故乃橋河築城置獨山九曲二軍距積石二百里今既負約請毀橋復守河如約紹可遣左驍衛即將尉遲環使吐蕃尉女公主然小小入犯邊無閑歲於是郭知運王君奐相繼節度隴右河西以犴之吐蕃遣宗俄因

子到洮水祭戰死士且請和然恃盛疆求與天子敵國語悖傲使
者至臨洮詔不內金城公王書求聽脩好且言贊普君臣欲與天
子共置誓刻吐蕃又遣使者上書言孝和皇帝嘗賜盟是時唐宰
相巨盧欽望魏元忠李嶠紀處訥等凡二十二人及吐蕃君臣同
誓孝和皇帝崩太上皇嗣位脩睦如舊然唐宰相在誓刻者皆歿
今宰相不及前約故須再盟比使論乞力等前後七輩往未蒙開
許且張玄表李知古將兵侵暴甥國故違誓而戰今舅許渝貸前
惡歸於太和甥既堅定然不重盟為未信要待新誓也帝謂昔已
和親有成言尋前盟可矣不許復誓禮其使而遣之且厚賜贊普
自是歲朝貢不犯邊十年攻小勃律國其王沒謹忙詒書北廷節
度使張孝嵩曰勃律唐西門失之則四方諸國皆墮吐蕃孝嵩乃
遣步騎四千與沒謹忙兵夾擊吐蕃敗之復九城故地勃律王來

朝置綏遠軍以扞吐蕃欲假道勃律以攻四鎮十四年悉諾邏兵
入大斗谷遂攻甘州隴右節度使王君奭遣兵追躡之多所俘獲
時中書令張說以吐蕃出入勝負略相當其涼河鄯之人調發困
甚願聽其和帝不從未幾悉諾邏等陷瓜川遂攻玉門軍安西副
都護趙頊貞擊却之乃命蕭嵩張守珪城瓜州屢破吐蕃置振武
軍獻俘於朝詔軍士掩戰能擒其王者授大將軍士益奮吐蕃乃
求和忠王友皇甫惟明等請許之帝乃以書賜金城公主贊普大
喜遣人隨使者入朝表言甥以文成金城公主敢失禮乎曩特以
冲刃枉為邊將謀亂如蒙澄亮死且萬足千萬歲不敢先負盟且
獻怪寶上禮其使遣御史大夫崔琳報聘吐蕃又請交馬於赤嶺
互市於甘松嶺宰相裴光庭曰甘松中國阻不如許赤嶺乃聽以
赤嶺為界表以大碑刻約其上又請五經勅祕書寫賜并賜物萬

訂吐蕃遣人謝明年又上寶器數百具制治詭殊其後吐蕃西擊
勃律勃律告急帝諭令罷兵不聽卒殘其國於是崔希逸為河西
節度使鎮涼州故時疆畔皆樹壁守捉希逸謂虜戍將乞力徐曰
兩國約好而守備不廢云何請皆罷以使人乞力徐曰公忠誠無
不可恐朝廷未皆信脫掩吾不備其可悔希逸固邀乃許共刑白
犬盟而後悉徹障壁虜畜牧被野明年樵史孫誨奏事妄言虜無
備可取也帝未之詔內豎趙惠琮共往按狀小人欲徼幸至涼州
因共矯詔詔希逸發兵襲破吐蕃青海上斬獲不貲乞力徐遁去
吐蕃志不朝二十六年大入河西希逸拒破之希逸以失信悒悵
至死誨亦坐事誅乃命蕭昊杜希望王昱等分道經畧碎赤嶺碑
希望破吐蕃軍三萬昱以劔南兵入攻安戎城次蓬婆嶺吐蕃盡
斃來攻昱大敗士死九數萬吐蕃攻維州不得志遣使請和不許

虜乃悉衆四十萬攻承風堡城希銳破之又襲廓州攻振武軍皇
南惟明哥舒翰等破之俘其大酋是時吐蕃與蠻閩羅鳳聯兵攻
瀘南劔南節度使楊國忠方以姦罔上自言破蠻衆六萬於雲南
拔故洪州等三城獻俘口哥舒翰破洪濟大莫門諸城收九曲故
池列郡縣實天寶十二載於是置神策軍於臨洮西澆河郡於積
石西及宛秀軍以實河曲後二年蘇毗子悉諾邏來降封懷義王
賜姓李氏蘇毗疆部也是歲贊普乞黎蘇籠臘贊死子湟悉籠臘
贊嗣遣使者脩好詔京兆少尹崔光遠持節賞冊弔祠還而安祿
山亂哥舒翰悉河隴兵東守潼關而諸將各以所鎮兵討難始號
行營邊候空虛故吐蕃得乘隙暴掠至德初取雋州及威武等諸
城入屯石堡其明年使使來請討賊且脩好肅宗遣給事中南巨
川報聘然歲內侵取廓霸岷等州及河源莫門軍使數來請和帝

雖晉其謫姑務紆患乃詔宰相郭子儀蕭華裴遵慶等與盟寶應元年陷臨洮取秦城渭等州明年使散騎常侍李之芳太子左庶子崔倫往聘吐蕃留不遣破西山合水城明年入大震關取蘭河鄯洮等州於是隴右地盡亡進圍涇州入之降刺史高暉又破邠州入奉天副元帥郭子儀禦之吐蕃以吐谷渾党項兵二十萬東略武功渭北行營將呂日將戰整屋西破之又戰終南日將走代宗幸陝子儀退趨商州導虜入長安立廣武王承宏為帝改元擅作赦令署官吏衣冠皆南奔荆襄或連棲山谷亂兵因相攘鈔道路梗閉光祿卿殷仲卿率千人壁藍田選二百騎渡澠或給虜曰郭令公軍且來吐蕃大震會少將三甫與惡少年伐鼓謀苑中虜為夜引去子儀入長安高暉東奔至潼關守將李日越殺之吐蕃留京師十五日乃走天子還京吐蕃退圍鳳翔節度使孫志直拒

守鎮西節度使馬燧以千騎戰却之吐蕃也原會成涇間自如也是歲南入松維保等州及雲山新籠城明年還使人李之芳等劾南嚴武破吐蕃南鄙兵七萬拔當狗城會僕固懷恩反自靈武遣其將范志誠任敷合吐蕃吐谷渾兵攻邠州白孝德郭晞嬰壘守乃入居奉天西子儀入奉天按軍不戰郭晞以銳士夜擣其營斬首數千級奪馬五百取四將吐蕃引去是時嚴武拔監州又戰西山取其衆八萬虜圍涼州河西節度使楊志烈不能守跳保甘州而涼州亡永泰元年吐蕃請和詔宰相元載杜鴻漸與虜使者同盟懷恩不得志導虜與回紇党項羗渾奴刺犯邊吐蕃大酋尚結息贊摩尚悉東贊等衆二十萬至醴泉奉天卻將白孝德不能抗拒敷以兵略鳳翔盤盩於是京師戒嚴夫子自率六軍屯于苑吐蕃通奉天使朔方兵馬使渾日進率勇士馳之左右擊刺皆應絃

仆虜大驚乃夜攻其營斬千餘級又戰馬嵬九七日破賊萬人斬獲甚衆會懷恩死虜謀無主遂與回紇爭長回紇怒詣子儀請擊吐蕃自效子儀許之使白元光合兵攻吐蕃於靈臺西大破之帝乃班師未幾大曆間再遣使者來聘詔戶部尚書薛景仙往報又詔宰相與吐蕃使者盟俄寇靈州靈州屯兵破之復略邠州馬璘白元光等再破其衆天子以虜數入塞詔治守障徙當悉柘靜恭五州皆據險以守八年侵靈州進寇涇邠渾城與戰不利馬璘以兵掩之郭子儀又破其衆十萬九年帝遣諫議大夫吳損修好虜亦使使者入朝明年復攻臨涇隴州又明年崔寧破其兵斬首萬級俘獲甚衆吐蕃不得志入掠黎雅於是劔南兵合南詔與戰破之禽其大酋十三年虜以四萬騎寇靈州又合南詔衆二十萬攻茂州略扶文遂侵黎雅詔發幽州兵與戰大破之初虜使數至留

不遣所俘虜口悉却送江南德宗即位以歲與虜戰亡獲相償謀綏懷之遣太常少卿韋倫持節歸其俘伍百厚給衣楮切勅邊吏護亭障無輒侵虜地吐蕃始聞未信使者入境乃感畏時乞立贊為贊普即發使者隨倫入朝又遣使獻方物明年殿中少監崔漢衡往使贊普曰我與唐舅甥國詔書乃用臣禮卑我又請雲州西盡賀蘭山為吐蕃境且引景龍詔書曰唐使至甥先與盟蕃使至舅亦將親盟贊普曰其禮本均帝許之以獻為進賜為寄領或為領之并約地於賀蘭其大相尚悉結嗜殺人以劔南之敗未報不助和議次相尚結贊有謀回請休兵贊普卒用結贊為大相乃講好約盟境上約唐地涇州右盡彈箏峽隴州右極清水鳳州西盡同谷劔南盡西山大度水吐蕃守鎮蘭渭原會西臨洮東成州抵劔南西磨些諸蠻大度水之西南盡大河北自新泉軍抵大磧南

文獻卷三百三十四
四
祕賀蘭橐駝嶺其間為閑田二國所棄戍地毋增兵毋創城堡毋耕邊土帝又命宰相尚書與虜使盟長安味此之亂吐蕃請助討賊詔遣使持節慰撫渾城用論莽羅兵破此將韓曼於武亭川初與虜約得長安以涇靈四川界之會大疫虜輒引去及此平責舊約求地天子簿其勞第賜詔書償結贊莽羅等帛萬匹於是虜以為怨貞元二年虜犯涇隴邠寧掠人畜敗田稼尚結贊屯上砦原遣使請盟李晟遣部將王佖以銳兵三千入汧陽薄其中軍虜驚潰走結贊僅自脫虜衆二萬侵鳳翔晟又擊却之又攻鹽夏陷之天子以邊人殘沒下詔避殿自責詔駱元光經略鹽夏虜得二州皆戍以兵乃自屯鳴沙然饋餉數困於是駱元光韓游瓌濱塞而屯馬燧次石州跨河相犄角結贊懼屢請盟天子不許乃不賂乞和於燧燧以為情身入見天子結贊又使言若許盟當以鹽夏還

唐乃以渾城為盟會使約盟平涼結贊伏精騎二萬于西縱城等就曠虜三伐鼓衆謀而興城道得免副使崔漢衡等皆被執始結贊欲擒城等擣虛入寇及見漢衡等坐帳中慢言渾城戰武功我力也許裂地償我而自食其言吾既作金枷必得城以見贊普今失之徒致公等無益也虜戍鹽夏疫大興皆思歸乃火其廬舍頽郭堞而去結贊歸漢衡等而却其使結贊乃以兵犯鳳翔入寶鷄焚掠而去又剽汧陽華亭掠牛羊率萬計涇隴邠之民蕩然盡矣諸將曾不能得一俘但賀賊出塞而已四年五月虜三萬騎略涇邠寧慶邠五州之鄙焚吏舍民間繫執數萬又寇寧州轉剽邠坊五年韋臯以劔南兵與戰殺其將西南少安不三年盡得舊州地又之北庭沙陀別部叛吐蕃因是陷北庭都護府安西道絕獨西州人尚為唐守八年寇靈州又寇涇州詔城鹽州以兵戍之

時韋臯破其兵俘虜三萬降其首領十二年寇慶州及華池是
歲尚結贊死明年贊普死其子足之煎立使使來請好朝廷以其
無信不受十四年韓全義破虜于鹽州十七年寇鹽州陷麟州韋
臯屢破其兵因定昆明諸蠻臯圍維州贊普引兵十萬援之臯率
南詔薄之擒其酋獻京師明年吐蕃使論頰熟來石龍武大將軍
薛仁往報二十年贊普死詔遣使弔祭其弟嗣立使使入朝順宗
立以田景度等持節往使永貞元年來歸金幣牛馬助崇陵憲宗
初遣使者修好且還其俘其後比年來朝貢又款隴州塞丐互市
詔可十二年贊普死遣使弔祭吐蕃使論矩立臧來朝未出境吐
蕃寇宥州與靈州兵戰不勝斬首二千級却此又破其兵二萬詔
留矩立等不遣十四年乃歸之吐蕃又遣兵十五萬圍鹽州不能
拔朔方將史敬奉以奇兵大破之復攻沙州陷之穆宗即位復通

使虜引兵入屯靈武靈州兵擊却之又寇涇州長慶元年遣使來
朝且乞盟詔許之盟京師西郊又遣使就盟其國虜遣論悉諾息
等入謝天子命左衛大將軍令狐通等報之比歲使者獻金盃銀
冶犀鹿貢犖牛寶器至太和再遣使者朝五年維州守將悉怛謀
挈城以降劔南西川節度使李德裕受之州南抵江陽岷山西北
望隴山一面崖三涯江虜號無憂城為西南要扞會牛僧孺當國
議還悉怛謀歸其城吐蕃夷誅無遺種以怖諸戎自是比五年虜
使來必報所貢有玉帶金四纈褐犖牛尾霞氍毹羊橐駝贊普立
幾三十年病不事委任大臣故不能抗中國邊侯晏然死以弟達
磨嗣達磨嗜酒好畋獵喜內且凶悞少恩政益亂開成四年遣太
子詹事李景儒往使吐蕃以論集熱來朝獻玉器羊馬自是國中
地震裂水泉湧岷山崩洮水逆流三日鼠食稼人饑疫死者相枕

籍鄯廓間夜聞鼓聲人相驚會昌二年贊普死論贊熱等來告
天子命將作監李璟弔祠無子以妃緜九尚延力子乞離胡為贊
普始三歲妃共治其國大相結都那見乞離胡不肯拜曰贊普支
屬尚多何至立緜氏子邪哭而出用事者共殺之別將尚恐熱為
落門川討擊使姓求名農力熱猶中國號郎也謫詭善幻約三部
得萬騎擊鄯州節度使尚婢婢地至渭川與宰相尚與思羅戰薄
寒思羅敗走松州合蘇毗吐渾羊同兵八萬保洮河自守恐熱謂
蘇毗等曰宰相兄弟殺贊普天神使我舉義兵誅不道爾屬乃助
逆背國邪蘇毗等疑而不戰恐熱麾輕騎涉河諸部先降并其衆
至十餘萬禽思羅縊殺之婢婢姓沒盧名贊心本羊同國人世為
吐蕃貴相寬厚略通書記不喜仕贊普疆官之三年國人以贊普
立非是皆叛去恐熱自號宰相以兵二十萬擊婢婢鼓鼙牛馬橐

駝聯千餘里至鎮西軍大風雷電部將震死者十餘人羊馬橐駝
亦數百恐熱惡之按軍不進婢婢聞之厚幣詒書約驩恐熱大喜
曰婢婢書生焉知軍事我為贊普當以家居宰相處之於是退營
大夏川婢婢遣將擊之敗其兵恐熱遁明年恐熱復攻鄯州婢婢
拒守恐熱兵敗兵擊連歲不解婢婢與恐熱相持婢婢糧盡引衆
趨甘州西境以拓跋懷光君守恐熱麾下多歸之恐熱大掠鄯廓
瓜肅伊西等州所過捕戮積尸狼籍麾下咸怨欲圖之乃揚聲將
請唐兵五十萬共定其亂保渭州求冊為贊普奉表歸唐宣宗詔
太僕卿陸耽持節慰勞命涇原靈武鳳翔邠寧振武等兵迎援恐
熱既至詔尚書左丞李景讓就所欲恐熱僣夸自大且求河湟節
度使帝不許還過咸陽橋咄嘆曰我舉大事覬得濟此河與唐分
境於是復趨落門川牧散卒將寇邊會久雨糧絕恐熱還奔廓州

於是鳳翔節度使李洎復清水涇原節度使康季榮復原州取石門等六關得人畜幾萬靈武節度使李欽取安樂州詔為威州邠寧節度使張欽緒復肅關鳳翔收秦州山南西道節度使鄭涯得扶州鳳翔兵與吐蕃戰隴州斬首五百級是歲河隴高年千餘見關下天子為御延喜樓賜冠帶皆爭解解易服因詔差賜四道兵錄有勞者三州七關地腴衍者聽民墾藝貸五歲賦温地委度支權其鹽以贍邊四道兵能營田者為給牛種戍者倍其資饒再歲一代商賈往來於邊者關鎮毋奇留兵欲墾田與民同初太宗平薛仁果得隴上地虜李軌得涼州破吐谷渾高昌開四鎮玄宗繼收黃河磧石宛秀等軍中國無斥候警者幾四十年輪臺伊吾屯田未寂彌望開遠門揭候置曰西極道九千九百示戍人無萬里行也乾元後隴右劍南西山三州七關軍鎮監牧三百所皆失之

憲宗嘗覽天下圖見河湟舊封赫然思經畧之未暇也至是群臣奏言王者建功立業必有以光表於世者今不勒一卒血一刃而河湟自歸請上天子尊號帝曰憲宗嘗念河湟業未就而殂落今當述祖宗之烈其議上順憲二廟謚號夸顯後世又詔朕姑息民其山外諸州須後經營之明年沙州首領張義潮奉瓜沙伊肅甘等十一州地圖以獻始義潮陰結豪傑歸唐一日衆擐甲諫州門漢人皆助之虜守者驚走遂攝州事繕兵甲耕且戰悉復餘州以部校十輩皆操挺內表其中東北走天德城防禦使者齎詔收慰擢義潮沙州防禦使俄號歸義軍遂為節度使其後河渭州虜將尚延心以國破亡亦獻欵秦州刺史高駢誘降延心及渾末部萬帳遂收二州拜延心武衛將軍駢收鳳林關以延心為河渭等州都遊奕使咸通二年義潮奉涼州來歸七年北延回鶻僕固俊擊

取西州收諸部鄯州城使張季顥與尚恐熱戰破之收器鎧以獻吐蕃餘衆犯朔寧節度使薛弘宗邵之會僕固俊與吐蕃大戰斬恐熱首傳京師八年張義潮入朝為右神武統軍賜第及田命族子淮深守歸義十三年卒沙州以長史曹義金領州務遂授歸義節度使後中原多故十命不及甘州為回鶻所并歸義諸城多沒渾末亦曰嗚末吐蕃奴部也虜法出師必發蒙室皆以奴從平居散處耕牧及恐熱亂無所歸共相嘯合數千人以嗚末自號居甘肅瓜沙河渭岷廓疊宕間其近蕃牙者最勇而馬尤良云唐末瓜岷之地復為所隔然吐蕃自是衰弱族種分散大者數千家小者百十家無復統一矣自儀渭涇原環慶及鎮戒秦州暨于靈夏皆有之各有首領內屬者謂之熟戶餘謂之生戶宗州雖為所隔然其地自置牧守或請命於中朝

